



漱芳閣集卷七

平湖徐士芬撰

恭擬

三壇祈雨祝文

翰林院恭撰文

朕仰承

昊眷俯軫民

依劬農殷念夫綏豐省歲彌

塵於暘雨迺者瑞占冬雪罕播祥靈候逮春耕亟資甘

澍爰詣

龍湫而籲禱冀邀鴻貺以優霑偶布濃陰忽

撓吹盭期逾七日盼切崇朝惟

神德合陰陽功兼化

育佐降康於

上帝匪今斯今昭協應於

崇壇曰

雨而雨是用恪循秩祀肅荐明禋伏祈迅溥神漿下尺

深霑於南畝旁瑞液報分志喜於東菑沛三輔之金

漱芳閣集

卷七

一

膏利周兆庶調四時之玉燭功賴

禋宗尙

鑒升馨

式昭胖蠶

恭擬告祭

五嶽文

惟

神德表青徐量包齊魯崇三廟而體超梁甫參兩儀

而位軼云亭將有事於名山儀先充鎮不崇朝而

徧澤報法虞柴日觀流輝神物秘玉盤之品歲星

上應長生稽金篋之書茲以

慈壽延洪愉臚中外

徽稱晉奉慶洽神人羣山惟泰岱是宗上公比秩萬物

以東方爲始右序延麻循望祀之彝章肅庶縣之
禋享

神其昭鑒歆此苾芬

右 東嶽

維

神功贊兌方道凝坤載貫三條而中列鎮二陝於西
封蓮花之十丈宏舒光涵玉井箭栝之一門洞徹
地接瑤池削三峯而蘊靈奇惠澤寓洪津之灑服
萬國而貽長久壽祺瞻神鼎之文茲以

慈壽延洪愉臚中外

漱芳閣集

卷七

二

徽稱晉奉慶洽神人緬青厓白谷之眞形展黼構芬枝
之輝祀五千仞體崇雍鎮夙聞迢遞之神鉦十二
山秩並虞封獨仰崇高之仙掌尙其

來格式是居歆

右 西嶽

維

神道翊離宮位隆楚望著祕文於玉牒蘊精氣於珠
塵風穴雷池功用能參造化露臺月館古今備紀
嘉祥虞書次東后之巡秩隆五月周雅頌南山之
壽祉協九如茲以

慈壽延洪愉臚中外

徽稱晉奉慶洽神人靈川近挹瀟湘擅名區於丹水列
宿上聯軫翼綏福地於青壇跂蓉峯而景貺宏昭
申椒醕而虔忱冀展

神其鑒格安此精禋

右 南嶽

惟

神代郡鍾靈并州作鎮石窟疇稽其幽邃天街羣仰
其高明星應大辰崇嶺紀四成之峻宮瞻太乙長
河通千里之程奠朔方而畿甸相維喬嶽咸資拱

漱芳閣集

卷七

三

衛列祀典而衡嵩並秩嘉名早協貞恒茲以

慈壽延洪愉臚中外

徽稱晉奉慶洽神人盛於北始由於南具天地尊嚴之
氣勞乎坎成言乎艮副唐虞望秩之酬瞻駿嶽以
延釐酌蠡楛而致告丕彰臍蠶

來鑒馨香

右 北嶽

維

神位定中央體臨四表太少則基分二室懷柔而秩
視三公峻極于天當風雨陰陽之會宅中爲鎮控

澗瀍伊洛之流
薛書傳洞府神清輝生四字柳度
合壽星分野瑞應三呼茲以

慈壽延洪愉臚中外

徽稱晉奉慶洽神人準尺有五之土圭彌徵安阜陳三
十二之玉璧備致嘉祥練吉日以升馨展隆儀而
迓福鑒歆來格永荷

神庥

右 中嶽

恭擬

孝穆皇后
孝愼皇后

梓宮奉安祭文

璿闈起化六宮尊禕祿之型珠阜棲神一奠肅豆

漱芳閣集

卷七

四

邊之秩感松楸之迢隔長瞻徽音薦黍稷以升馨
式昭鉅典惟

孝穆皇后

孝愼皇后文定倪天安貞應地母儀翊化綏海宇以
雍熙婦順承

歡謹

寢門之間視劭淳風於澣葛綈練躬先擇吉日而親桑
紘縋手製絜溫恭之並懋洵前後之相輝月馭嗟
徂星衡屢易殯宮暫駐闕寢宜安移鸞旆以登程
就龍泉之吉壤雲開幽隧莫兆域以永綏煙藹崇

岡安神靈而罔斃爰攄悼愍用達精禋於戲望柏
路之蔥龍齊瞻佳氣顧椒庭之清肅彌眷前徽坤
儀紀於彤編孚薦申之瑤瑛榮哀具備款格斯期
恭擬祭原任吉林將軍蘇清阿文

巖疆特畀干城資將帥之才良翰云徂尊俎備哀榮之
禮惟宣勞之足眷斯展卹之宜優爰布絲綸式頒芬苾
爾原任吉林將軍蘇清阿蚤選戎行深嫺韜略淬前鋒
於禁旅參列校於旗營拔自鷗冠衛隨豹尾出領中州
之防鎮遠揚萬里之威稜協掃妖氛曾膺勇號分鈐都
閩厯統雄師拊循襄西徼之猷柳屯均肅保障重東方
漱芳閣集 卷七 五
之鎮篋節移巡于假調疴方冀瘳期之速中途告殞俄
驚遺疏之陳眷舊櫻懷飾終稽典護迨程之執紼頒內
府之儲鏐親屬遣迎國門許入載申奠醮用示褒崇於
戲大樹風摧忍見素車之遠返長河水咽疑聞紫塞之
悲吟靈而有知尙其來格

恭擬祭兩廣總督盧坤文

任隆節鉞巖疆資保障之猷勳著旂常懋賞重貞良之
輔軫老成之凋謝溯篤棗以咨嗟爰考彝章式頒奠醮
爾原任兩廣總督晉贈太子太師兵部尚書賜諡敏肅
盧坤端重持躬通明練事起家詞館歷職樞曹曾觀德

於畫正旋出膺夫繡服嶺湘直指齊魯分巡楚南徵臬
事之陳隴右樹藩邦之業擢居開府重寄封疆歷七省
以撫循晉連圻之總制曩者回疆振旅饒運精籌頭銜
俾冠羣僚錫命兼隆宮輔旣而令嚴軍府氛息楚徭嘉
虎節之宣威賜雀翎而增采賞延華秩績敘膚公泊乎
星移百粵時閱三年倍殫心力以忘勞益念股肱之倚
重方期矍鑠永贊承平忽墮遺章殊殷悼念睠蓋臣而
彌惜施卹典以宜優特晉宮師予易名以不朽速銓郎
署俾後嗣之咸昌史冊揚芬几筵錫寵於虔勤宣中外
允文武之兼資禮備哀榮示始終之弗替懿茲蠲潔尙
漱芳閣集

卷七

六

克欽承

恭擬原任趙城縣知縣楊延亮碑文

朕惟臣子致身以遂志禮垂勤事之文朝廷表墓以旌
賢書重顯忠之義矧以詰茲姦慝不虞變起倉皇爲國
捐軀全家授命念艱勞之可憫允贈恤之宜優爾原任
趙城縣知縣賜諡昭傑楊延亮僑選南宮符分西晉宰
汾河之旁邑守宗澤之前規考績頻經典州初擢方謂
治蒲之久裕迺因鋤莠而罹殃五夜扞掖忽萑苻之竊
發一門灰燼憐菅杆之交加合婦姑子女以俱殉并賓
佐紀綱之弗免貞良兼盡軫悼彌深爰加崇秩以優褒

俾建專祠而永享賞延於世謚易其名載賁絲綸用光
窀穸於虜凝碧血於幽泉嶽麓之英靈不泯表丹心於
貞石韓城之忠烈同昭妥爾精誠欽茲殊渥

那彥成傳

史館作

那彥成章佳氏滿洲正白旗人協辦大學士刑部尚書
阿克敦曾孫大學士公阿桂孫阿克敦阿桂皆有傳那
彥成由乾隆五十四年進士改翰林院庶吉士散館授
編修五十六年升侍講次年轉侍讀入直南書房遷
國子監祭酒五十九年四月擢詹事充日講起居注
官十二月遷內閣學士嘉慶元年入直尚書房三年

漱芳閣集

卷七

七

二月 命在軍機處行走五月遷工部右侍郎四
年正月調戶部左侍郎授翰林院掌院學士充教習庶
吉士擢工部尚書充 實錄館總裁二月充

經筵講官

國史館副總裁

賞戴花翎三月

賜紫禁城騎馬七月管戶部三庫授總管內務
府大臣 上以那彥成三歲而孤其母那拉氏撫

孤守志三十餘載表其門

書勵節教忠額以榮

之先是湖北白蓮教匪樊學明等反襄陽其黨張漢潮
寇秦中 詔參贊大臣明亮討之而成都將軍慶

成陝西巡撫永保與明亮有隙師行不相顧八月

命那彥成爲欽差大臣督明亮軍禡慶成永保職界
那彥成按治十月劾明亮奏報誣罔狀乃逮治明亮

命那彥成領其軍明亮尋破賊誅漢潮

上

曰明亮因朕特派那彥成督辦不敢再似從前玩寇且
聞那彥成已由西安入山是以上緊截剿獲此凶渠是
那彥成雖未經臨行陣而先聲奪人故能得此捷音也
那彥成旋奏漢潮謀主冉學勝餘黨在陝宜亟除

上是之十一月敗賊於五郎疏言軍餉前費八千餘

萬賊未殄滅今刊梓糧單按程期覈給以杜冒銷又言
秦中前將帥各爲一路致賊乘閒遁逸今相機分合聲
激芳閣集

卷七

八

息相通使賊所至必有官兵追剿

諭曰所論切

中從前積弊今所辦甚是尋疏請五郎設重鎮子午峪
等隘口分置小營控制增總兵一員編鄉勇於新營更
置縣丞巡檢分防

從之時賊竄秦嶺老林官兵

由漁碭子踏冰入賊三路迎敵我兵分道進攻自山梁
下破之賊匿高關峪夾嶺我軍潛師夜擊賊奔鳳皇山
中乃使將士夜縋下殲六百餘賊斃偽元帥黃爾雄等
餘匪走平利檄慶溥等亟截之得

旨所辦甚是

尋以張賊零星餘黨久不肅清致勁旅漸疲降

旨切責那彥成旋奏老林樹密雪深備陳進剿艱難狀

上慰勉之壬寅破賊於秦嶺嗣以賊匪逼出老
林復逸入楚豫有 旨嚴飭五年正月蜀匪二萬

竄秦略陽

上以邠彥成狃於老林致賊乘閒闖

入復切責之戊午破老林逸賊獲襄陽起事賊三十有
奇庚申殲逸賊百餘擒賊首高遇春等癸亥師至漢中
因川匪張甚入棧追剿 上以其不拘畛域嘉獎

之二月川匪至隴州乃出棧亟剿賊屯隴山鎮甲寅大
破之分道亟追斬俘三千餘人殲偽元帥魏學林偽先
鋒嚴士沛閻性擒偽副帥余禮等 上嘉之授參

贊大臣賜玉鞬金合佩囊下部議敘三月賊避官兵南

激芳閣集

卷七

九

走追及於秀金山敗之又敗於嚴家壩

諭曰邠

彥成隴州殲賊後兵威已震士氣奮揚是以連次克捷

會額勒登保疾作

詔邠彥成兼領各路兵戊辰

賊陷文縣據卡狼寨我兵乘月渡河破其陣殺賊千三

百餘匪南竄庚午敗賊於龍泉溝又敗諸林江浦俘斬

千餘追至毛峪山賊棄輜重遁有

旨嘉獎之時

方令西安將軍恒瑞回秦協剿屢捷

上以其遙

合

廟算內外一心

賚子獎勵辛巳賊首

高二馬五糾六千餘人趨松潘官軍禦之奔岷州額勒
登保病已帥師夜攻賊踞山邠彥成率衆登山殲三百

六十餘賊追越四山殺百餘遲明賊列陣何家衢設伏以待那彥成帥精兵奮擊賊敗退伏賊左右起擊走之追數十里斬首千餘級執賊將詹世貴等得旨

嘉許頒賜珍物越數月上以那彥成久不戴功

召還京將面詢陝中賊情尋以賊入川勢漸張乃那彥成玩縱所致又不剿賊於川轉隨額勒登保入陝致總兵施縉戰歿斥退軍機處南書房及紫禁城騎馬并罷所領館閣府庫諸職五月抵京

陛見丙午

諭曰那彥成赴陝漫無布置致賊逸竄裏脅朕

令回京細詢語添兵則以無用之兵添調何益語添饜

漱芳閣集

卷七

十

則以虛糜不值語防堵又以為兵疲無益昨復稱事關劫數劫數未盡即健將精兵亦不能得力此何語耶朕論及額勒登保連次得勝那彥成復以所奏如不虛再得一二仗即可將陝賊辦竣心懷妬忌欲朕猜疑且詢以川楚軍情據云恐亦不免虛誑那彥成游詞熒聽其心實不可問尋命革去都統尚書講官花翎用

為翰林院侍講在實錄館効力六年二月擢少

詹事九月充順天鄉試副考官升詹事七年二月遷內

閣學士八月扈蹕木蘭獲鹿復賞戴花

翎十月命往江西鞠巡撫張誠基被揭事會廣

東永安客籍游民結添弟會與土民構鬪博羅諸邑匪徒響應總督吉慶討平之尋悔釋囚留孽且疑巡撫瑚圖禮密劾遂自戕

上命那彥成往鞫之得其實

時永安匪黃亞程等遁入鐵籠嶂復嘯聚爲盜八年二月那彥成率提督孫全謀等進攻卽日克之誅亞程及其黨數百人毀山寨闔境肅清條上善後九事並以惠潮民悍請令道員得便宜調兵疏入

上嘉其辦

理安速調度得宜升署吏部侍郎仍下部議敘尋赴浙江直隸讞獄七月擢禮部尙書九年六月仍授軍機大臣鞫河南嵩縣民王雷傳習邪教事未竣以秦隴收捕

漱芳閣集

卷七

七

餘匪攝陝甘總督理善後事七月

硃諭那彥成

曰汝誠國家柱石之臣有爲有守惟有稍恃己之聰明不求人之謀議夫一己才力有限仕途邱壑難窮務資兼聽並觀之益莫存五日京兆之見八月奏南鄭縣鄉勇鄭忠祥等舉發趙恒裕張希賢潛結謀逆立擒之與其黨皆伏誅又奏籌遣南山游民均得

旨嘉獎

十一月調補兩廣總督十年十一月劾前巡撫百齡苛虐營私諸事鞫實免百齡官十二月俄羅斯夷船求通市關督延豐率允其奏那彥成以越界貿易恐商夷因緣爲奸亟請止之

諭曰此事與朕意相符所見

甚是先是粵東土匪洋盜勾結日熾盜首李崇玉黃正
嵩依朱潰橫行海澨那彥成初至緝獲甚衆嗣以官兵
不得力遂行間謀招撫降正嵩計擒崇玉檻送京師先
後招降五千餘人悉賞銀幣率先降者予千總外委銜
巡撫孫玉庭以其賞盜劾之降藍翎侍衛充伊犁領隊
大臣始崇玉正嵩歸命那彥成以四品服及守備劄與
之事覺謫戍伊犁十二年正月授三等侍衛爲伊犁領
隊大臣三月授喀喇沙爾辦事大臣五月調西甯辦事
大臣時野番侵略內地戕兵丁故有是

命八月

偕將軍興奎總督長齡攻克沙卜浪番境悉平十月條
濼芳閣集

卷七

七

上善後事

允行其四十三年三月擢江南副河

道總督是秋河決荷花塘九月合龍下部議敘十二月
塘復築降二等侍衛復爲喀喇沙爾辦事大臣十四年
二月調葉爾羌辦事大臣六月授頭等侍衛爲喀什噶
爾參贊大臣十五年正月復任陝甘總督八月奏吉蘭
泰鹽筴請許新商得兼坐運兩商有所陳奏悉由山西
鹽政以聞又議西安軍標綠營弁兵改隸撫提另設總
兵一員專司訓練兼轄附近營汛裁兵四十名十七年
請改西甯道仍爲滿漢兼用缺皆得

旨允行十

八年九月河南天理會教匪李文成等謀逆陷滑縣犯

直隸山東邊境

命那彥成爲欽差大臣帥師討

之賊屯滑城及桃源集道口十月那彥成由衛輝進軍分擊新鎮丁樂集連破之甲寅道口賊出掠中市所那彥成等斷其歸路使別將楊遇春等迎擊大破之戊午賊造橋將渡河而西官軍截殺千餘橋毀不得遁辛酉賊蜂屯拒敵我軍痛剿飛越溝濠破道口殲賊萬餘焚其巢出難民八九千

上深嘉之頒賜珍物獎勵

下部議敘壬戌破桃源賊追道口餘賊抵滑城城中賊出應敗回城圍之是日桃源賊來援盡殲之堵滑城門十一月庚午留固集八里營等屯賊紛至遣將弁分禦

漱芳閣集

卷七

三

絕其外援時李文成潛遁輝縣屯司寨那彥成遣別將德甯阿楊芳率勁旅攻克之文成自焚死賊黨殲戮無遺

上嘉之優賚有差辛未滑賊出斫營擊卻之擒賊首黃興宰尋於南門掘地道密置地雷癸酉那彥成親督兵勇進攻地雷發城裂拔之殲賊一萬七千餘焚七千餘擒二千餘出難民二萬餘捷奏入

諭

曰此次掃除逆惡迅奏成功朕與天下臣民同深慶幸那彥成統領師干不辭艱瘁允宜沛恩懋獎著加太子少保銜賞二等子爵換戴雙眼花翎紫禁城騎馬並賞御用荷包一個升伊子容照爲乾清門二等侍衛又賞

黃面黑狐皮馬褂四喜玉搬指吉祥白玉牌鑲寶石帶
扣黃瓣大小荷包翼日以渠魁牛亮臣徐安惻王道滌
檻解入京復搜逸賊悉誅之釋脅從愚民籌議善後請
將滑縣知縣改繁缺道口增置縣丞把總各一員大名
鎮添設官兵被兵之地復其賦卹賞死事官民旌表義
烈禁鋪戶私造刀鎗清查叛產散鄉勇收器械官兵分
別凱旋留駐悉從之是冬授直隸總督十九年

正月巡歷開州條陳善後五事戊子復

命

諭曰那彥成克副委任深堪嘉獎著在阿桂墓賜祭

一壇用示朕眷舊酬庸恩意二月以保貪劣知縣孟祀

漱芳閣集

卷七

四

瞻補滑縣革職留任七月請撥宣化天津等鎮兵一千
移置大名增置千把總外委等弁九月請許因荒賤售
地以原直贖十二月請移束鹿縣縣丞分防小章莊大
名縣衛河縣丞移駐龍王廟兼管巡檢事元城縣主簿
移駐小灘鎮長垣縣管河縣丞移駐大黃集皆兼巡檢
事並從之二十年二月以緝逆犯久不獲革花

翎鐫三級七月以馳道橋座大雨衝塌後繕完甚速復
花翎十月以廢員王奎聚等混請捐復先令繳庫跡近
專擅鐫四級十二月以灤州石佛口王姓世習白蓮教
傳習數省惑衆謀逆那彥成全獲誅之上以其

辦理認真有積次吏議

賜御書福字暨

上方

珍饌畀其母子度歲二十一年正月倡勸興復義倉貯穀十六萬六千石有奇二月以新建運糧撥船二千五百籌議章程十條閏六月以前在陝甘與藩司陳祁商挪賑銀並誣奏捐廉事褫職下獄論死尋以繳納賠銀改戍伊犁留家終養九月丁母憂

上念其滑縣

功免遣令閉門思過二十三年復授侍講轉侍讀二十四年正月擢侍講學士三月升詹事充會試副總裁五月遷倉場侍郎七月以漕政著效

賞戴單眼花

翎二十五年九月擢理藩院尙書十月調吏部尙書十月

漱芳閣集

卷七

五

二月

命紫禁城騎馬道光元年五月兼翰林院掌

院學士七月調刑部尙書二年正月請定竊賊情急圖脫誤傷事主者量減爲極邊烟瘴充軍二月請定毆死期功尊長夾籤聲明與否總以有心無心爲斷皆如其請爲今四月授內大臣五月議風水重地青椿以外盜斫官樹罪名請以官山界址爲限明定科條六月議西

山煤窰鍋伙章程四事皆得

旨允行是月以陝西

渭南縣民柳全璧犯死賂免

命那彥成攝巡撫鞫

之得其狀誅貶有差十月復授陝甘總督時青海河北番賊犯窩卜圖卡擊走之因請移兵駐守議防卡條款

清釐河南番族立什總百總百戶千戶領其衆初察漢
諾們罕一旗移居河北燭野番勾漢奸作賊那彥成絕
其糧茶窮蹙投誠 諭曰該督不勞兵力不延歲月

辦理認真可嘉之至十一月那彥成六十生辰 御

書亮勛集祜匾額福壽字各一並 賜如意朝珠蟒

服文綺陳設是月請改西甯丹噶爾主簿爲繁缺臯蘭
河橋主簿爲簡缺下部議行十二月奏漢奸盤踞務盡
根株並籌巡防會哨山內保甲諸事 上是其議旋

請改定沿邊營制增損將弁兵丁又言番族萬八千盡
回巢請酌移河南四旗蒙古三年正月請將循化同知

漱芳閣集

卷七

六

改隸西甯府改西甯府知府爲題缺皆 允之二月

以青海蒙古皆已復業下部議敘尋請定商民與蒙古
市易章程並封閉邊外金廠四月請於循化廳增置主
簿一員貴德廳增置照磨一員裁按察司照磨河橋主
簿各一員改平羅縣石嘴主簿爲簡缺十月請增置青
海正副盟長等官設巡防蒙古官兵皆得 旨允行

五年六月請邊要地撥添弁兵增設塘汛九月奏興甘

肅各屬義倉皆如其請十月復調直隸總督十一月疏

陳海運漕糧剝運事宜下部議行六年二月請裁撤天

津水軍移駐大名鎮又奏清查旗地全竣酌議善後十

二事五月以直隸竊匪日多請嚴竊盜治罪之例皆如所請行八月以海運速葺措置妥善下部議敘會逆回張格爾入卡犯喀什噶爾諸城檄東三省官兵剿之那彥成以兵丁口糧按例日給銀五分不足飲食請加五分又藥鉛火繩由京運解供應既難且恐雨濕請以甘肅籌備者充用并籌議兵行支應又以新疆遣戍積久人多夷民雜處易生事端請量地改造十月奏各屬徵收旗租勸懲勤怠并議追虧五法又請駐防滿洲挑補綠營兵丁皆

允之七年二月請裁減捕盜弁兵添設捕役以收實效四月請減豁內務府月檔租銀六月

漱芳閣集

卷七

七

酌議賊匪拒傷未持官票之捕役及捕役擅傷罪人加減治罪專條悉

從之七月以直隸吏役過多包差滋擾苦累間閭裁汰二萬三千餘人酌應留名數冊報

嚴明奏入得 旨所辦認真甚屬可嘉著通諭直省

照那彥成所奏辦理十一月以回疆未靖 命以欽

差大臣往剿未幾張格爾就擒十二月疏陳回疆積弊

略謂回人素恭順此次張逆煽惑各城響應半由平日

撫馭失宜參贊大臣等三年換班上者未必遽能盡善

次者祇存五日京兆之見不肯認真下此竟有視爲利藪搜括甚工且各長其疆無維制考覈之分不相顧忌

應請分隸考覈俾有所糾察至各官原設養廉不敷辦公懇稍爲議增並准各大臣一律攜眷使專心辦公

上是其言如所請行八年正月京察 諭曰直隸

總督那彥成盡心職守操兵緝盜等事不遺餘力著交部議敘回疆之初平也揚威將軍長齡議暫添防兵八千那彥成至議減一千五百並議三年後酌減二千五年後再減二千以節糜費請移甘肅涼州鎮總兵改駐喀什噶爾莊浪協副將移駐涼州涼州中營游擊移駐莊浪三月請分葉爾羌添兵一千移置烏什四月請柯爾坪添兵五百及拜城一營歸併阿克蘇又言安集延湫芳閣集

卷七

七

進販內地大黃茶葉硝磺接濟外夷私於卡內置產安家竟敢相率助逆今查十年以內寄居與現販違禁物者逐出其餘暫准居住又奏普爾錢以一當五今阿克蘇銅未豐旺請改鑄當十錢相間通行皆 從之旋

奏各城陋規甚重苦累回民今悉行裁革勒石永禁

上是之五月請移建葉爾羌城於罕那里克六月請於喀什噶爾增置游擊一員都司三員守備六員千總十一員把總二十員外委二十六員英吉沙爾葉爾羌和闐阿克蘇烏什亦各改置增省有差又請於喀喇哈依外之七里河築堡設兵六百防守並另建英吉沙爾

滿城又疏言曩者伯克缺出每以賄得補遂誅求於下以取償嗣後請由本城大臣先儘有功及家口被害之人次死事人子孫次出力世家視其人才保送參贊大臣驗看奏補又酌定回夷難廕章程皆如所請行張格爾既誅其妻孥潛匿浩罕浩罕使人詐投賀書伺隙那彥成陳兵護其出入不使與卡內回子交接不允貿易亦不犒賚 諭曰所辦甚得大體與朕意相同可嘉之至七月請於新建各城 頒示嘉名 允之八

月請將伊犁通烏什之逕酌議封禁又稽私墾地徵糧以供祿糈請於明約洛建貿易亭以便布噶巴爾達克

漱芳閣集

卷七

九

山等通市皆

從之是月繪像

紫光閣

御製

贊曰剿辦滑城會著勳績功成定後用長是擇嘉汝忠直殫心籌畫剿之撫之同一敷歷九月請酌撤換防滿洲兵歸伍籌議操兵章程又請回疆遣囚改役章京署駐防官盡許攜眷十月奏酌議茶稅章程請設喀什噶爾等三城銀庫又請移改軍臺道路增給換防滿洲兵馬芻添設綠營差馬皆 從之是月 諭曰那彥

成辦理善後事宜籌畫妥洽勞績卓著著賞加太子太

保銜賞雙眼花翎紫韁元狐馬褂鼻烟壺荷包十二月

奏招致附浩罕之額提格訥布魯特部落安置特依劣

克達故地

上嘉悅之九年正月以那彥成使人出

卡搜求逆族有意邀功

召還京二月以妄給布魯

特愛曼翎頂歲俸

嚴飭之六月入

覲回直隸

總督任十年五月省南地震分別卹賞請復磁州諸邑

賦

從之是冬西陲復不靖十一年將軍長齡奏

由驅安集延籍其家禁茶葉大黃所致

命褫那彥

成職八月

授盛京禮部侍郎

諭曰前因那

彥成辦理善後不能妥善未及二年又有逆回滋擾事
將那彥成革職昨因那彥成於嘉慶年間曾在軍營出
力道光年間兩任總督辦公無誤且念伊祖阿桂功仍

漱芳閣集

卷七

三

授盛京侍郎本日據長齡等奏浩罕申訴五年以來斷

絕貿易之苦累總以抄沒驅逐爲詞是逆回滋擾實由

那彥成禁貿易逐安集延所致那彥成誤國肇衅著卽

革職十三年二月卒

諭曰那彥成服官中外宣力

有年剿辦滑縣教匪尤爲出力直隸總督任內亦屬認

眞前因回疆辦理失宜將伊革職茲聞溘逝不忍忘其

勞績著賞尙書銜尙書例賜卹尋

予祭葬如例

賜諡文毅子容安原任伊犁參贊大臣獲罪遣戍

釋回閉門思過容照大理寺卿襲三等子爵容恩兵部

員外郎孫慶霖刑部主事

漱芳閣集卷八

平湖徐士芬惺菴

使粵草

戊子秋奉

命視學粵東試士黜暇途次亦多人事牽率凡四閱寒
暑僅得詩四十五首炎陬山水清景一失難摹矣
自舒城至桐城山行馬上作

空山何所有雲泉與霜楓丹黃細相間繪出千萬容清
瀑百道飛搖曳盤秋峯秋峯七十二變態無雷同凌虛
聽絲竹噓吸煙霞通梵宇起雲端鐘磬下隨風紅牆帶
漱芳閣集
卷八
一
白瑜隱見遙林中阡表識姓名懷古多英雄著鞭何所
效攬轡聊開胸

渡潯陽江

纔過亭前驛潯陽指渡頭楚山宜遠望江水向空流九
派暮潮落孤帆寒荻秋遺徽溯陶白遙識紫煙樓

登滕王閣

讀書自昔懷名勝飛閣流丹夢中凭今來借得一帆風

登高四望凌秋空閣中何所有蘇齋筆健瑯環偶

覃溪先生

手書序文雲閣外何所見衡陽彭蠡迷青甸洪都萬室

臺先生聯對

煙火微章江千里陰晴變鳴鸞佩玉嗟星移子安去又

三千期登臨勿歎人民非此閣亦有傾頽時君不見雕
蕙畫棟江濱寄可是當年歌詠地今之滕王閣
並非舊址

嶺梅

嶺頭十月萬株開此地冬深破萼纔料是南枝香較晚
忍寒留待使車來

遊七星巖石室

帝欲觴百靈鈞天豫布演呼取北斗酒漿杓令挹南溟

入蒼巖化爲七巖几筵開樂懸鐘鼓試聲展石室中有
石扣之如

鐘又一石拊
之作鼓聲至今天門闢南北我來恍覺靈風卷入洞

陰森龍積涎仰觀石乳紛流衍銀鸞振羽下碧霄瓊樹

漱芳閣集

卷八

二

吐葩映蒼蘚霜矛雪戟森玉壘金支翠羽隨文輦其餘
人物一一肖乾維坤絡聯雲巘偉哉造物心到此忽鈐
鍵世間萬品彙聚納從流轉慈航北望璇璣臺欲問天
工機莫闡還瞻北海擘窠書響拓攜歸歷分篆

連州舟次

奇絕淖溪路行人心欲摧千峯橫地出萬瀑自天來忽
過楞伽峽惟聞石壁雷古亭懷燕喜翹首白雲隈

題孫廉甫明府

成彥

臨流祇一家圖

長安識仲謀湛若干頃水閒日話鄉曲家在梅花里結
廬枕潺湲開軒對清泚波光散人影魚樂通琴理前年

遊魏塘剝啄雲煙裏偶扶過客筇未倒主人屣飛橋夾
垂楊瀉澗洗芳芷堂奧雖未入頗識邛壑美今來觀羅
浮君躡王喬履示我一卷圖鴻迹猶可指觀君繪圖意
匪獨懷桑梓臨流祇一家推想何閔偉君與邑士女父
母於赤子農桑軫艱難痛癢思瘡痍養成一家春豈與
遺世比白水盟素心臨淵惕終始山下萬株梅卽作故
園視他年圖再續治譜不離此持此娛庭闈應勝奉甘
旨

河源道中

川長眞河源源長不可住波心吐驪珠潛虬臥何處月
漱芳閣集

卷八

三

色流曠野秋氣生白露稻田積黃穗夕陽影參互一舟
閱萬頃誰識隴頭路回看羅浮雲千里逐風度

過電白熱水河浴溫池

經月高涼山名涼山行復百里嘉泉知我欲洗塵不使寒
冽著人體土脉含膏陽氣融綠溪草木華如綺溫風對
岸忽吹面亭臺一坐春生几此泉出石纔微溫流過一
尺炙手指散歸溪壑了無別變態誰能窮物理入室祇
容澡一身如吸炎曦入淪髓平生酸寒都洗盡歸來三
日疑飲醜蜀川火井焉足侔秦地華清差可比祝融司
方炎氣多辯州羅州亦同此我願此泉流去徧人寰直

教九州四海無寒士

過遂溪宿縣署書齋

嶺開射馬長山壘籠雞蠹滄溟在其西海氣接蛟蜃民
貧土風薄撫教賴賢尹直造鳴琴室谿雲溼軒楯小庭
列微卉幽蒨終寒窘出門臨大荒萬象羅行軫何當速
挂帆一洗浮塵盡

長樂道中

百夫三斗水十里六時程人似負山去船都作字行家
家栽竹圃戶戶讀書聲月冷沙中泊疑聞鐵笛鳴

陽春道中

漱芳閣集

卷八

四

不因問道到崆峒獨愛峯巒甲粵中客解看山風亦喜
一時吹散雨溟濛

遊峽山寺寺僧乞留題爲書風泉清聽四字復系

以詩

兩崖如束泉穿林此間只許吟客吟空青如洗玉蟾吐
此間安得主人主招提昔日舒州開白雲和寺同飛來
山僧雖樸亦冰玉清光飲久無纖埃危磴千層苔蘚滑
仙子如煙逐風沒寶劍誰能尋石痕玉環何處留香篋
霧愁雨苦蒼龍吟樹深路古白猿捷留題亭碣空悵然
征衫日遠神仙窟

題王悔生先生望雲圖遺照爲子一孝廉貫之作

昔讀先生文藹藹見性真今瞻先生貌穆穆餘仁孝千里負米饑來驅時慨晨昏違色笑龍眠之雲何悠悠黃海之水兼天浮渺然可望不可到遙念倚閭人白頭嗟子蓼莪痛不如死之久悲風在樹天茫茫岵岵欲陟復何有披圖長觸空沾巾圖中人已成古人子敬能肖逸少神論文翦燭意氣親努力各自珍清芬

試畢旋省小泊花田

校士粗畢旋羊城有如負販歸擔輕花田泊舟曾七度未若此日閒心情玉膚絳襦迸甘水鮮荔照筵雜瓜李漱芳閣集
卷八
五
晚涼風露素馨隄一片花魂吹不起名園三十晴江濱暮鳥羣呼延客人湖煙無迹遠自見蟲葉有聲近漸聞輕帆片片過前渡月色乘潮溯江去近城暫屏騶從喧清夢一宵容小住

與周鄭堂明經篷窗閒話

維舟互相過情若結比隣與君尋丈隔數日獲一親越舟如過棧推篷翫巉岿山意愛高人作態赴君眼君眼如月光觀書不循行手著攜一尺中有曹曾倉

明經長於目錄

之學著有讀書記百卷

亦欲窮石室相訂同佔畢不辭十駕追閒

身向誰乞

越王山學海堂小集二絕

層層俯木杪滄海見尺一欲探宛委藏白雲依石室

堂中

皇清
經解書板

螺旋下山去餘興頻延伫迴首望翠微莫認銜杯處

題陳理堂撫琴圖二首

萬竿修竹繞琴臺盤石清泉不染埃綠綺一揮風露重
青山吐月影初來

琴心澹入松心古松石還令絃指清萬壑波濤一時起
天風海水恍移情

舟中曉起看雲

漱芳閣集

卷八

六

青山出雲雲掩山孰山孰雲兩茫然須臾雲開衆山出
碧流倒浸芙蓉鮮飛雲去山落何所可能凌空作霖雨

夜起對月

萬籟宵分寂中天懸皎月光激空明疑入瑤京闕披
衣片時坐涼露溼毛髮老魚一聲跳忽復中流沒驚鳥
離其巢狡兔出於窟篷背溼如雨岸石潤且滑舟人晨
始興但呼朝陽暘

訪何藜閣前輩

太青

不值

文明門外路盤紆來訪先生水竹居卻似華山圖裏客

旁人大笑倒騎驢

巷隘倒
行而出

枕上作

鐘聲催落三更月又到華胥遊一回竹葉瀛圖不須置
鄉園歷歷去還來

辛卯孟陬慶蕉園將軍興希亭都護招同李陸平
節相中熙亭樞使遊白雲山小飲雲泉山館倚
窗列筵薄雨初過節相書雲邊聽雨四字顏其
閣將軍屬余卽景賦詩懸壁因成二律用東坡
蒲澗寺韻

不盡飛雲過我前到山初見出山泉靜中成韻篠風館
空裏作聲花雨天臺傍鶴舒生遠籟寺連龍果印枯禪

漱芳閣集

卷八

七

笑余孤負安期棗

館在安期
生廟西偏

翻向人間訪謫仙

時將巡
試端州

古木蕭蕭列檻前一宵春雨百重泉人從物外清塵聽
路入壺中到梵天高閣下窺方士宅聞根試證辟支禪
年年箏笛空盈耳欲向天風操水仙

聽曉角

窗紙曳殘月雞聲高入雲愁眠醒獨早曉角最先聞
惜花

花開旋自落那須風力吹對花不忍攀恐教片片飛

對月

攬之若盈手清輝不可飲靜對片時間塵心滌已盡

吉安野宿度歲

暫依村落不知名無復旗亭管送迎書畫在船兼載酒
椒花猶許頌深更

建昌道中

殘溜冰多溪響細寒林葉盡鳥聲稀歐山聞說雲居地
不辨閒雲何處歸

清泉亭

慈雲化水託雲根

山石盤陀有大上法相

倒瀉甘泉出石門長伴

山僧資淨業嬾爲霖雨散中原塵鞍欲到心先滌紺宇
粗安法自尊乞取一瓶冰雪味金莖不羨賜文園

漱芳閣集

卷八

八

抵德安口號

醉吟江曲輕輶行醒寐境界忘分明句成輒復墮空杳
略記花月鉤詩情俄驚遠火繁星亂聚觀案吏垂楊岸
知是城闌已近前土風未改人民換崑崙山頭明月泉
清冷何處藏雲煙使槎愧非貫月客有無宿海空流連
蒼奉林邊風嘯谷紅杏一林虎收穀而今收穀盡如君
仙杳何年徧化人

江州見廬山惜在山之陰仍未得見真面

曉見廬山翠晚見廬山紅廬山本未識但詫煙嵐忽不
同衆峯齊列自迴出不似俗土淨名空欲看真面隔雲

嶺匪緣身在茲山中，搗來終日相君背。有如岸上垂竿翁，何處谷簾水。誰爲五老峯，吾效青蓮與山盟。丹厓翠壑鑿此誠，他日來走南康城。靜對雲囊九疊屏，十年讀書依玉京。

江州懷古四首

繫馬常念馳籠鳥，不忘飛秋風。尊鱸美有託，乃遄歸東。帶見督郵作，令當知之云。胡受五斗掉頭在，臨時田園自可樂。素心復與期，郡符雖不至，亦賦歸來辭。柴桑城

芥子容須彌，不聞尺寸羈。道力馳猛虎，乃欲避虎溪。一

溪限足迹，四大空何爲。飲酒容淵明，戒律寬如斯。恐君

漱芳閣集

卷八

九

白蓮社圓礙，自相歧作亭。誌三笑，匪笑忘清規。應笑杖端錫不及，虎穴窺。三笑亭

蘆裡掩勿惡，人子誰不然。安得萬千鶴，一一指窆懸。不聞五父衢，曼甫假仙緣。陶公忠貫日，乃云夢飛天。世俗好騰說，復謂尋牛眠。朝露旋零落，佳氣存何阡。我欲問臯禽，仙翮渺寒煙。鶴問湖

昔行白公隄，遺澤見鄉里。今來溢浦口，孤亭兀江涘。月白江風寒，淒音疑在水。當時遷謫感，豈爲四絃起。達人
有至情，觸緒不能已。雍門彈瑟聲，桓伊撫箏指。深心懷抱別，商婦安識此。琵琶亭

宿濂溪書院朔風大作越二日始渡潯陽江二首

元公祠宇外闢此講堂寬地與蓮峯接神宜粟主安歲

新橫舍寂閣峻列星寒講堂後建奎光閣高出雲表道貌瞻曾熟從

知畫筆難院有元公繪像與粵東使署石刻未能全肖

入戶道心戀不關溪水清顛風知我意斷渡緩郵程雪

冷臯比座圖虛太極名連朝享廚傳愧彼益州行

皖江途中書所見

雲荒荒野茫茫絲人穀人僵道旁破椽折盡衣典盡去年以此充糟糠君不見四月平地水一丈十月積潦五尺強磽田腴田一例盡災區千里空流亡不如歸來死

漱芳閣集 卷八

十

隴下吁嗟無牖歸何方里間忽傳語賑貸發官倉計口握算積日月編行令甲文高張大口百五小得半有錢無米垂空囊跟踰易得半甕粟持去濟汝終年糧今年水去田可耕可憐無種奚生秧有種且救須臾命慮淺遑計重懼殃雲荒荒野茫茫死無人見誰心傷牧民父母居華堂朝夕探詢薦吏章

正月十七日太湖道中雪示楊掌生

曉行雨急簾不開雨聲陡絕風聲催掀簾一望浩無際從人都騎白鳳來凍雀不飛野色悄僕夫善譟喧音哀瑤林瓊島歷千百通明殿近無纖埃縣官隨例飾廚傳

烹羊學泛黨家醅紅爐紫餅自羅列清風修竹空徘徊
太湖之水接峯泖燈月尚記吹簫臺

前二十年余於此日受室

春燈

見畫忽振觸

學生以春燈問字圖見示

深宵共撥寒爐灰知君清景

入詩筆寄贈閨中詠絮才

宿州值雪仿歐陽禁體

春寒夜迴萬籟息曉起庭階掃春雪出門四野都連天
中參樹色有無間以雪入雪不見受六花穿隙旒衣久
肩輿踏凍墮且行履迹不落歸鴻後寒梅香入野風吹
騎驢吟客心先知高士門前沒行徑漁人江上閒蓑衣
斯須雲開迴晚照寒鴉畢逋饑雀啅定知今夜月明中
漱芳閣集 卷八 十一

黃竹聲聞仙子操天公下澤資春耕春耕無種荒疇平
報分書瑞歌且頌四方逃戶連敲棟

北歸初見駕車

小年從未識蹏輪十載京華此寄身久習帆檣今北轍
翻如初遇故鄉人

過獻縣

去時霜染林歸途雪融日微風暖潛回春意破慄慄樹
頭未青蔥卻非寒林色氣和聚人聲興多散酒力流覽
萬春山山名機動不容勒日華宮未遠前修緬文德蘭芷
徧郊坰寄語慎栽植

時值縣試

經齋草

壬辰二月還京寓朱芑堂憲副之經注經齋凡九
匝月得詩三十五首爲經齋草

再入史館

持橐東華歲再更輓紅重踏好風迎入門不敢誇先達

載筆惟知頌永清

時將纂
兵志

典冊初裝尋舊著

職官志十
八卷余一

手纂成前歲
甫進御

史胥識面半忘名滿渠荷葉驕陽曝

京師
旱甚

遙溯龍池水一泓

雜詩四首

園中多卉木一一手培灌歲寒霜雪中蒼檜留君看

漱芳閣集

卷八

七

瓷斗蕊水仙點泥莫沾石美人期不來孤芳冷難宅

漁翁無世事偏向江頭渡舉手欲相招白雲深處去

野鳥雖暫集見人心已去休疑食階除行謝青青樹

曉起看花

鶯聲催起看庭花蝶未出林蜂在衙一夜瀟瀟受疎雨

曉來徧地作紅霞

詠梨花

冷豔殊衆芳恥炫春風面含愁對春雨塵外瀛洲遠金

壺欲洗妝復徹傳柑讌朱門酒肉氣對花焉敢薦夜闌

月半墮孤潔無人見涼雲淡欲無侵曉飛白燕

詠灌花筒時京師久旱水泉半涸

絲絲緜緜簷溜齊咽咽汨汨瀑下溪半畝庭花急飛雨
一隅晴塢乾無泥在手圓滑憐鷗夷朝噉未到手先攜
水田飛沙川源涸生機咫尺膏流畦

頤齋主人示盆蘭詩且翦二枝見詒次韻報謝

兩枝秀采綠雲叢入室渾疑善士同冷燭對開今夜蕊
眞香潛化我心蓬秋含客子窗前雨春引先生座上風
便覺騷情感沅澧不須賦手羨張融

時張海門孝廉亦有詩

喜晴

時雨甦農困雨多翻困農驚風忽吹斷煙霧開溟濛日

漱芳閣集

卷八

三

出檐水滴天際挂白虹決渠四野急生意遠蓬蓬庭前
鵲聲喜門有屐齒蹤曝書準明日排籤急呼僮

和茱堂憲副中秋餞別金菴穀刺史

錫曾次韻

去年今日居炎洲一尊同對蟾輝皎

去年中秋夜邀菴穀至署共酌長

安今又聯吟裾烏府黃堂兩麗皓清光萬丈入警欵秋

水一陂瀉懷抱書思象笏惜光陰屢握輪鍼數分抄麻

衣鎖院集秋士仰笑浮雲曳魯縞

時京兆試題不義而富且貴二句卅

年舊事杯酒心八千明日關山道酒闌客散臥看月遙

想珠宮輝百寶廣寒仙樂夢中聞未若朝 天厯瓊島

朝 天衣冷宿醒解饑腸退食飯餐晶從人渴睡呼不

鷹須臾奔至衣顛倒是時客度脩門外一鞭正趁秋光
好江干黃竹禽聲喧提壺誰解惱公惱今宵勿道冰輪
遲寒芒行見塵霾埽失杯莫與論蛇足且復希夷學黃
老亂雲脫壞旋破空皎然一鏡懸霜曉

醉中吟

酒稱埽愁帚醉去醒復來直如埽落葉一夜堆蒼苔我
欲將愁化作酒不飲常如友紅友那知酒國變愁城舉
觴白眼空搔首白墮雖善釀塊礪安能除借君一枕引
我遊華胥不醒不醉浩若無懷初一空塵事還清虛

經注經齋對月

漱芳閣集

卷八

古

挑燈不成吟起步循虛廊簫聲隔戶動中庭風露涼風
緊雲疾奔明月吞吐忙露華耿蘭葉向背分宵光涼棚
高過檐九夏蔭如房依託未思德遮望嫌高張弓烏合
俱盡豈獨筌蹠忘金鱗漾數尾灼灼銀泉缸荇藻新點
綴五色絢文章夜窺空窅然麗質難爲彰不如螢自照
微燄生寒芒白日東嶺升螢飛又何鄉苟無光明實顯
晦各有妨

頤齋主人命庭中栽秋色花奴蒔菊數十本無黃

色者詩以嘲之

君家遜之語菊以黃爲正云胡滿庭芳黃花無一柄異

種亡天真非族乃易性味殊延齡旨枝之傲霜勁羊質
而虎皮衣冠空優孟譜錄羞兼采柴桑肯入詠譬如繁
華子容豔神不定主人日經過近逼霜威盛恐不俟冰
雪芳蕤徒自競君看盆中蘭鉛華洗已淨

送邵丹畦同年

甲名

之任嘉興

南湖湖上雲東湖湖上月送我西北遊十年在我側與
君共蘭譜五載聯詩窟譚月且嘲雲蘭芷借采掇雲行
及三湘月伴臨百粵歸來清禁坐近見飛霜烈一麾莅
嘉禾離杯我何惜載我明月歸還我白雲宅霖雨潤全
郡清光鑒毫末德輝照一身何似鄉邦浹此邦君舊遊
漱芳閣集

卷八

五

款段有陳迹黃公酒壚在邈若山河隔君從角里行應
遇采芝客寄語護叢桂待我同攀折出岫行當還共戴
明輝潔

偶感二首

塵世事紛擾營營未肯休孤雲獨無事久與閒人遊無
心偶相值淡極不可收四岳自霖雨蕭然遠龍湫幽人
心亦忘相對長悠悠

東風好吹噓吹噓綠成林成林不言功東風何處尋亦
有灌園客抱甕走庭陰無心遇嘉樹不思梁棟任亟呼
尋斧斨攻伐違天心天心一何仁嘉樹回陽春

夜坐

清風扇夕陽忽吹一鏡落一鏡旋飛來娟娟照山谷露
在月光裏但見月漉漉萬竹受無聲中宵盡如沐秋蟲
吟切切似欲伴幽獨大道隱希夷聲色萬千族虛實見
莫膠仰首白雲簇

謝趙孝廉

九琳

惠甬東紫菜

家居東海濱紫苔列殼蔽溼蒸蝕華采鹹腥亂真味君
亦海濱來乃獨攜鮮翠甘以適咀嚼淡未遭淹漬紺碧
久不彫中有風濤氣鄮山能招寶金碧真精萃餘潤及
微芰類同質乃異客窗獲茲品頓慰尊鱸思但佐南華
漱芳閣集

卷八

六

菇

粵產

不求末下豉登筵矜珍錯時亦充乾糲客來信手

掇往往存空器明年計車來爲我行囊置

連日以詩就正李杏村同年

貽德

杏村好過譽作

此嘲之

袖詩尋張韓浪仙有新獲卻笑詭符亦投嗜痂癖愛
深忘妍醜眼善略朱碧不弔剡溪藤翻降龍門格遂以
瑤琨采強指砮硃石何來闌闌風蚩眩愚過客此事無
所爲乃爾忙朝夕可憐遞詩僮來往困秋屐渠若識騷
雅中途久拋擲

九日不登高入史館纂兵志

介邛可窮千里目不能上矚二百年茱萸雖擅九秋豔
不識細柳軍容堅我行謝卻瑤臺會冊府羣玉高凌煙
坐客劉郎舍之去謂燕亭太守非誇餽字能便便觚稜雙鳳
容細步不登邛垓來登天列筵脫帽風隔牖人淡如對
黃花前催租悍吏不能到鈔胥肅肅陳雲編一樽白酒
觸秋思持螯奈似監州慳橫行釜甲入圖籍何止擁劔
雄三千今朝文戰勝負見是日京兆試揭曉狂奔小卒街頭穿
定有英靈不世出他年史筆當誰傳明朝更擬展佳節
龍山席上羅羣賢

京兆試報罷下第人有冶遊忘反者以詩警之

漱芳閣集

卷八

七

不脫麻衫飲墨歸寒窗應悔十年非空教閨閣鏡聲卜
况看隣家金帖飛堂上已揮和氏淚天涯宜惜老萊衣
冰霜只在奚奴面莫戀秋陽過隙暉

磨勘鄉試卷口占

步熟天街路忽疎此行略似校書無錦心已自經量尺
鐵面猶疑剔濫筭點畫不教訛亥豕珪璋無事品瑕瑜
笑看五律排詩句例派四卻有清卿屈座隅位次雜坐

卿屈居編檢之下

詠竹

新筍出林纔一尺野筠聳榦壓千巒參天祇恨雲霄遠

下有菖蒲仰拜難

題張蔣塘明府遺像四首

海外心依忠介祠
輪君瞻拜下車時
一生治行根初志
爲問瓣香今屬誰

吏治不須經術飾
循良還自讀書來
關心說尹惟桑梓
風雨長安酒一杯

臯魚風樹淚長垂
可但莪蒿廢詠泉
下莫愁萊子老
暫時相別復相隨

是空是色本非眞
豈害逃禪學化人
獨有令名逃不得
披圖爭認宰官身

漱芳閣集

卷八

六

詠水車三首

不須剖竹驗澄泓
日載清甘入鳳城
寂寞五更雞始唱
枕邊輾轉聽車聲

花之寺外春如海
莫載春愁惹客情
十石清泉化醲醴
可能澆破一愁城

儘聽松風蟹眼生
馬蹏已似虎跑輕
侍臣不怕相如渴
閒試頭綱茗話清

余得朝鮮鄭元伯孤山圖胡扶山光祿

仁頤

欲之

以手鐫印章爲報於心未厭扶山工書法因再
索之

晉卿韓幹馬可換仇池石吾友古篆工肯與新羅敵印
文追西京繪事寶東國以此交易退許田抵鄭璧君手
出無盡我筭窮搜索較量難易殊摩挲未肯釋爲我作
佳書拈示義獻格勝看孤山圖海雲寓點畫寒篋補缺
空貪心慶多獲勿怒求劔公請作題扇客

得舍弟書

一度雙魚閱旬五秋蛇春蚓語何紛倚牀且莫思家事
風雨瀟瀟獨自聞

客窗述懷

秋水波迴荻岸風纖纖涼月挂疎桐雨生苔暈三分綠
漱芳閣集

卷八

九

葉挂蟲絲一半紅地闊門前馳駿馬天高雲外過征鴻
含情欲寄蘭空握蛩語聲聲咽苑中

漱芳閣集卷九

平湖徐士芬惺葦

假旋草

壬辰閏秋乞假展墓次年十月還京得詩百有餘
首中間祇一詣武林故遊覽之作甚少

出都門口占

白雲帶秋樹驅馬別燕臺離緒道旁柳歸心窗下梅征
塵衝晚霧馳道激晴雷一片盧溝月光從 清禁來

將抵汶上途中作

滿目黃塵與白沙天寒何處問桑麻風多朔氣雨成霰
漱芳閣集

卷九

一

日到西山雲變霞零落孤村依古戍離披返景散人家
遙遙鄉國二千里猶爲齊煙駐客車

曉發汶上

宵靜掩關臥聽揮歸客鞭微明霜有迹客發我車先清
淺汶河水依微太白烟鐵槍遺碣在英勇溯當年

在平道中

行過在平山驛高風懷仲連碧霞沈鳥外黃葉落車前往
歲秋逢潦深宵水浸驪重來經此地那信是平阡

東阿道中

風聲滿四字秋氣積千巖車遠猶聞鐸碑多似列帆野

望遠碑排列宛似水中掛帆不歷其境不知也
魚山臨窈窕雁水赴空嵌挂劍臺難認青青草莫莫
相傳挂劍臺在此按徐君墓應在泗州徐城今此地亦有墓且生挂劍草草形似劍亦不得竟以爲非

抵韓莊改水路行

通漕在西岸泥行困五驥漸車辭魯地飛鷁入吳中碧嶺吐寒月清波蹴細風鍾吾多舊雨遙指馬陵東

夜起

露華漬林樾清氣砭詩骨夜迥寂無人山巔吐半月

泊江干

大江日夜去愁心終歲住無端江風來吹上相思樹

漱芳閣集

卷九

二

夜過無錫感念周犢山師

鐫

月隱水光淡人家都掩扉清泉半山溢黃葉一村飛壽世文章在匡時志業非西州門咫尺梁木愴何依

雪中探梅不得

滕六玉戲不顧寒入夜凍合河中瀾青山如經伏波手盡堆白粲成巖巒天憐幽人寂無侶特遣寒香慰愁緒孤高偃蹇恥近人風來有香不知所我從羅浮來仙雲逐我飛路逢葛稚川導我盡看松風亭下梅三千雖無師雄夢旖旎略遣翠羽酬踟躕不信西神山神翻拒客令我獨立空茫然

雪曉

寒風忽四起壓酒頻呼斟竟夜聲沈柝開門雪滿林犬
奔失狡兔鷹習噤啼禽空明今夕景積素月華臨

題錢海薌

椒

聽琴圖彈者爲方子春孝廉

烟

東海招子春先生故非有天風與海水萬古眞琴友求
人以實之韻事應無偶龍湫高隱窟清風溢庭牖秋心
託絲桐冷然一揮手萬籟悄不作幽壑寒泉走移時一
闕成白雲駐空久陳迹十五年鬚眉半成叟披圖緬勝
遊猶似松濤吼何時箏笛耳洗向金徽右

新溪飲程氏書齋示浣花茂才

銘勳

漱芳閣集

卷九

三

人生到處鴻印雪雲烟過眼任興滅獨有平生意所便
常與故人同情別三閒草堂

程氏齋名

四年居十二年來夢

想劬候潮冒雨百不恤却似久客歸田廬入門十步九
迴目陳迹半更互生熟生乎舊日此橫經今亦臯比資
首蓓兒童四五咸恂恂上堂執禮恭且親豈無都講與
高足未若此地純天真魚羊翦韭累觴舉坐無雜賓聯
舊雨一空宦海十年心盡憶寒窗百回語筵罷燈闌興
未闌翻幸夜潮遲上灘從人僵立觸屏睡劇譚能却檐
風寒治具更負金蘭友

謂俞鐵厓

苦留不留尋自咎春風如

虎浪如鷺應怒客子輕揮手

題陸飲江教授錫智陸州送別圖

宦遊十二載同此返家林

先生初秉鐸時余適北上今年同以癸巳歸里屈指十二年

矣述事知風尚披圖識士心
桃津春漲遠柳驛夕陽沈
此地一杯酒非緣問字斟

傳經如呂子論史過袁公
冷對檐花雨春生泮藻風
江移畫鷁嚴瀨送飛鴻
漫說歸帆疾千人望眼窮

東湖鸚鵡洲

波心一洲峙疊閣攬清寒
微旭上高樹遠山藏片雲
柘湖全勢壓荆楚壯觀分手澤
數行在光聯玉笈文

洲建文昌

宮有先君子遺蹟

漱芳閣集

卷九

四

春日湖濱遊眺過高江村少宰墓

綠意遠涵空東湖東復東
彩橋花港水畫舫柳隄風
荒寺闍金像少年馳玉驄
江村留墓表悲感雍門同

登城

登高無百步遠接白雲鄉
樹樹聞啼鳥家家帶夕陽
花飛撲歸擔人語過浮航
唵念同懷客迢迢川路長

庭有牡丹一株名紫樓
余姑所手植也每歲盛開

而姑卒已十年矣作此以誌悲感

排列花王樓閣盛魏家
顏色豔如何不爭桃李芳
菲早獨占人間富貴多

竹慈能補北堂春餘事栽花亦倍神涕淚濺花揮不盡
看花不見種花人

西湖對雨

春雨十旬積六橋淪巨波湖寬飛溜沒雲重匿山多隔
水鐘聲到衝烟艫響過蘇隄任虹亘行客總披蓑

登胥山

鎮海樓邊路登臨閱畫圖山平青入越水遠白歸吳
詭聞人業新奇賈客區罡風生伍廟如見怒潮驅

遊雲棲寺

綠雲圍石徑十里上招隄萬壑寒泉瀉金山梵法齊

漱芳閣集

卷九

五

蓮池大師規條尺寸不移閒雲到禪榻破衲踏青犂淨土有周孔遺
編燈下齋錄是夕僧捧蓮池語至闌過夜分

丹梯分紺宇說法各嚴森殿迴閣金像風多落梵音拾
遺驚臥犬擊果恐棲禽快觀華亭蹟

天題耀碧琳寺藏香光金剛經真蹟上有高廟宸翰

自雲棲赴理安寺行錢塘江岸

破曉走江千江風拍紫瀾雲濃連雨到山翠隔潮看隱
隱富春遠迢迢秦望寬回頭認爾若宿霧巨林端

理安寺

溪流踏已盡拾級望金扉列塔凝蒼靄疎鐘出翠微雨

泉終古落

旁有法
雨泉

松閣半空飛

後有松
顛閣

蛇虺壁閒滿含

毫不敢揮

橋李歸舟

水宿由拳路行行復溯澗波光搖岸落風勢挾船來
李飛花後嘉禾吐穎纔我懷采芝客弭楫幾徘徊

胡雲伋明經文

昌基

年八十餘瞽目重開以靜坐

觀心圖屬題圖爲初瞽時作因賦此詩

太虛無形中精氣生日月風起動堀堞靜卽昭昭揭先
生善眼仙巖電驚同列收視十餘載靈臺皓以潔天游
空六鑿內觀肺腑澈暗蓄光明藏冥冥外緣絕忽於漆
漱芳閣集

卷九

六

室中皎然大千闢端如珠懸夜無復花生纈舊書急取
觀親交留對弈出門識者擣攜杖作新客我歸欲謁公
謂當相階席公喜見後進青眼比阮籍示我新編詩細
書積已尺行見道不二方瞳與俗別人生閱塵世夔虻
憐颺瞥幾輩早蒙蒙問年未半百大耄讓靈光不獨具
眼隻幾曾刮金鑷亦未砭筋骨古人冕旒蔽可欲防投
隙何如本自然毛髓出洗伐問公何能爾心齋積虛白

題節母徐太孺人竹柏清風圖

斑斑帝子淚汎汎共姜舟亭亭懷清臺一一高風留高
風不難繼所悲絕生計如於磻鹵中蒼然放青翠又如

霜雪天穉枿咸依芘筍孝扶高枝松茂禪同氣要知歲
寒中危苦千萬重勿復嗟危苦清風扇千古

題嚴安齋蓉洲秋爽圖

洲在青鎮宋陳簡齋築書閣其上

昔讀簡齋詩蓉洲風景詩中知今題安齋畫風景得之
劉丈話笑我身未探清幽并不讀畫空心游聊以胷中
小邱壑侔揣風月摹清秋茗水雪水來天目一洲如繡
雙流汎飛霜損花了不知紅雲對鏡寫清馥浮圖千尺
穿雲霄疏鐘聲入風蕭蕭雨葉垂隄香靄積晴葩迎旭
寒烟消秋心不雜騷人苦錦樹如城花氣聚西山朝爽
挾潮來書聲琴韻皆高古吟成真似窺籬藩今宵寤入
漱芳閣集

卷九

七

陳公軒繩床相對兩無言輸與主人日灌園

題家菊舟

世楷別業

小闢蘭亭城北隅

君所居茂修園顏曰小蘭亭

是中只合古爲徒愛

廬爲誦泉明句試與流觀山海圖

堂開深柳古香浮爾雅蟲魚恣采蒐應信元規塵不到
未妨東閣似揚州

雲石何年鬪翠岑冰斯篆法出瑤林

園有石象篆體雲字

不同畸

士林泉癖爲有三餘好古心

鍾張筆陣夙超羣野鷺奚須羨右軍珍重一經詒穀遠
憑君世世寶清芬

費節母謝太孺人詩

內言不踰柵閒靜守中饋一朝稱未亡百事皆其事不
惜微軀殉呱呱將誰字心澄古井水力盡寃禽翅昔年
遊新溪端友獨推費矯矯塵俗表亭亭棟梁器能於春
華時卽含秋肅氣上堂觀禮法秩然敦行誼疑有風矩
承堂構仗穀詒泣言生三月喬木已彫頽盛年處兩姑
淺土淹五榭父書散如葉風雨行委地孤生今弁齡前
茅列庠試姑嫁婦于歸棗脩紛奠贄馬鬣崇四尺鶴問
安三世手澤如初寫一一弄錦笥像設如生存日日薦
昌芟藐孤安所知強近竟誰芘直於霜閨中父師一身
漱芳閣集

卷九

八

備我聞悲且敬共下孤兒淚 朝廷重激揚 旌典有
成例那知例之外淑行不勝記三泖流清波綽楔鬱丹
翠他年書告身五花表純懿

題家芸峴孝廉

金鏡

遊梁圖

芸峴矯矯凌雲姿軼才不許吳興私中州人物一一師
夷門監者諾不欺孝先腹笥雄臯比季偉色養林宗奇
因樹爲屋潔莫緇竹林多賢令譽馳步兵超逸尤難窺
清才鉅製稱潘尼三絕不爭鷺與雞芸峴一身兼有之
燕臺駭骨世未知去遊大梁風雪時蹇驢痛僕颺鞭絲
抗心古哲恒於斯我方嶠南使節持西樵南海舟車疲

問君遊蹤索君詩歸來握手談塵麾出圖示我長幅披
漉渙如君燦文辭蓼峪見君明險巖黃河之深放眼恢
良嶽之侈懷古悲茲遊一吐胸欽崎他年聞喜瓊林回
把君呼作宋家祁

瓊林苑在今開封西門宋亦大梁人

題袁潤堂

光壇

茆簷情話圖

河梁攜手十年違喜我歸來君亦歸不覺豆棚詞絮絮
一甌日注送斜暉

題程聽溪廣文

夢麟

悔不讀書圖

柘湖東來入芹泮綠槐陰裏施融幔巾卷當年問字車
至今篋衍珍篇翰長安有客話吳興但道先生擁百城
漱芳閣集

卷九

九

十五載中疎鯉雁清溪神溯琴書聲歸來復立程門雪
左圖右史兼花列丹堊重新數仞宮雲虬手搦千年碣
百川日夜趨滄溟淵涵萬有虛不盈星宿在胸曾未覺
作圖自寫謙懷真東觀年年持筆橐瑯環身厯空向若
恨公此棒猛相驚使我愧汗如瓔珞累幅連看少壯容
羲皇自昔追高蹤借問吳羌采芝客何如角里吹春風
吹春風逗秋雨一片琴心入太古水仙動操蛟龍舞嘆
息鍾期渺何處

謂毛補南師

空檢巾箱尋舊譜明朝來坐春

風廡

菊舟以翠雀一本淨相寺檣李三枚見貽戲作二

絕報謝

炎洲麋鳥景純詞更倩稽含狀一枝翠袖修篁兩孤瘦
亭亭愁絕晚涼時

吳宮花草渺難尋千載春留蒼荀林我啖離支三百顆
新香忽動老饕心

夏日卽事

雲送催詩雨風開向晚晴殘陽含水氣遠岫剩雷聲鵲
喜競相噪蟬新重試鳴中庭布蘭蕙今夜露逾清

望月懷遠

林際吐微月淡雲生夕涼遙知千里外共此二分光海
漱芳閣集

卷九

十

上有仙島日邊懷玉堂欲憑清夢到搔首望瑤閭

題廖菊溪秋山聽瀑圖

銀河落天無盡時風泉清聽寄遐思青山界破亦眞景
莫笑吾家瀑布詩

寄芸峴

風急灑涼雨幽居卻憶君橋迴一川水樓入九峰雲珠
玉揮毫散蘭蕭入口分

人以詩文就正椿
庭者君誦以聞

咳華馨潔裏

養氣掃千軍

月夜獨酌

坐久籟俱息風過雲忽開啼鳥拋樹去明月逼窗來思

遠誰家遂愁深獨夜杯青天碧海恨難喚望舒回

曉起

一宵清露沐蘭槐荷葉明珠走復回
暝色在庭雲始白鴉飛先帶日光來

齋居雜興

貪住湖鄉似隱居三閒暫借當吾廬
山蘭乞得和雲種庭草妨行帶雨除
生友敘談懷故友亡書重獲勝新書
身閒酣臥日高起却笑鳴鐘掛壁虛

疏慵還似少年狂每見衣冠憚束裝
謝客惜兼佳客謝藏書難得古書藏
愛聞花市出新卉自拭金鑪焚異香

漱芳閣集

卷九

十一

却怪往來舊朋侶相逢都喜說名場

愜暑正烈風雨驟至俄而雲開月皎喜而有作

天意如憐苦熱行火雲收盡水雲生
風知欲雨爭先到月爲將秋作意明
世上轉環無此快人間蒸鬱一時清
來朝尙未離三伏紈扇無須動別情

夏夜納涼贈倪蒼溪明府

承弼

情話足忘暑迎涼重舉杯星移穿樹過
月出共花來事話一身歷功思千載開

時共籌北方水利

鷗盟暫滄海有夢到

燕臺

蒼溪將赴直隸補官

題張篋齋青鐙課子圖

踏凍曾窺馬帳清香聞蘭卮吐新英泠泠玉帶河頭水
流出蕭齋誦讀聲

同塞芹藻亦兒時彈指相看鬢有絲四世一堂簾業重
古香清味短檠知

謝客非本意也嘗有句云謝客情兼佳客謝益亦
深悔之因作此以見志

握手見君面展書見君心心交與面交輕重君推尋客
遊十二載偶然歸故林舊雨欣相逢日昃饑自禁半年
什佰面事積愁光陰卻掃非得已詎語傳聞人頗迴長
者車纔得一篇吟瞿然見名刺欲追路無垠春水滿江
漱芳閣集 卷九 十一

湖雙鯉遊文鱗寫君胸中語當我空谷音復簡心孤往
絕無他慮侵滿堂泛應語無此親且眞千古金石交結
契憑心神

書齋晚興遲舍弟歸

忽倦觀書眼空齋明晦分夕陽依樹盡歸鳥隔窗聞揮
扇驚棲蝶澆花散聚蚊南風送孤棹有客坐看雲

納涼

螢火逐風來飛雨隨雲去淡月挂樹梢須臾不知處

初秋

一葉庭前落清風著體便樹多留暑淺竹近得秋先羽

弱吟新蟀聲高急暮蟬柴門臨碧水今夕暗添泉

題孫蔚亭松陰聽泉圖

危峯穿雲破銀漢自天落謾謾松風來萬頃濤齊作寒
聲激清空烟水互噴薄幽人憩磐石聽琴下孤鶴我昔
遊廬山水簾競赴壑亭亭香爐峰雲泉百道錯復走湟
川路山峭如剗削青峽飛白龍到處懸珠絡披圖感舊
遊傾耳尋澆澗松徑如可入猶能躡飛躡

讀後漢書四首

浮屠入中國誰先好者楚王英諸王爲善樂復樂楚王
跣赴丹陽城黃縑白紈桑門鞅梵王保王千萬壽王胡

漱芳閣集

卷九

三

不惜自戕身一朝戕及千萬人何必臺城罹禍後始有
諫迎朽骨臣嗚呼父讀符子延佛骨肉以茲伏斧鑕

豫章懸一榻匪穉敢瞻望蒲輪不坐坐君簞秋水不阻
葭蒼蒼覆以姜肱韜面被載之林宗歸里航南陽龍門
峻百尺亭亭雙峙遙相當三君八俊蔚時望此榻何不
加恢張夜半呼誅竇持戟何倉皇炙雞繇酒報知已可
憐榻上塵如霜陳榻塵甫積御榻蛇昂藏翦除節甫苦
不速吁嗟安榻未安邦君不見申漆工因樹爲屋眠北

窗

南宮遷蕃武死曹程之門趨如市西邸公卿直千萬五

百萬進假名士鴻都少年市井兒賣國之人盈千矣帝
心未厭開後宮列肆儼然闔閭中至尊自著商賈服妃
嬙嬪御數錢工那知大賈出在沛居奇漸漸腰纏豐鳴
呼宣陵孝子皆市僧舍人之封豨錫類愛君來自屢肆
地

中郎語災異正論扶朝綱請誅常侍瀕九死艱貞不讓
膺與滂云胡三日三臺歷卓死驚歎已死復誰傷一言
定河濟再言迎天子子房何使阿瞞得壽春終非爲漢
死二君才學豈等閒投身一誤不可還遼東三賢黃鵠
舉卓操有網焉能攀吁嗟乎釣臺高風灼著開國時君
漱芳閣集 卷九 古

與管邴庸不同聞之

湖濱送客

挂席忽已遠花間餘一杯寒潮向空落暝色帶秋來之
子別何遽天涯首重回相期祇努力有數濟時才

秋林

落日照秋山秋聲出樹間葉飛黃未足鳥去碧微刪濃
引雲三島疎臨水一灣豫章盤百畝霜雪不相關

舟中晚眺

荻花飛似雪落日澹秋江欲吐蟾三五將歸燕一雙菱
歌清浦槩笛響畫船窗空闊一杯酌風多酒力降

贈術士李隱廬

天根探有術地竅識無訛家住東湖曲門前秋水多樸
淳留世澤秀發養庭柯吾意尤親切頻勞丙舍過

湖中秋泛

雲淡迴含山氣靜風高涼接海天秋水光如月月如水
無際空明一葉舟

秋夜野步

涼風卷空月氣濕前村蛙答後村蛤露華在衣行不知
一路稻花香習習稻香吹水到柴門柴門三四自成村
村前列樹生晶彩四望秋氣田如海非雨非雲非灑泉
漱芳閣集

卷九

五

卻看縷縷垂珠蕾既垂且眠互撐拄蚱蜢戢戢多如雨
農家萬寶散平田閉門不管和雲眠夜半月華引出湖
中珊樹鮮獨歸明日無人傳

題劉美齋丈行樂圖

秋風發黃花柘湖渺烟水百錢挂柳栗誰識阮宣子別
公四十年清癯緬杖履披圖朱顏粲頓失心所擬緩帶
湯沃雪陔馨華亦喜曉缸泳錦鱗聞聲識公起壺春時
復中策杖尋知己素心孰晨夕東園與綺里

自君之出矣

自君之出矣欲寄征衣難思君如明月夜夜度關山

自君之出矣有淚暗中揮思君如蓮花苦心人未知
自君之出矣浴蠶條上山思君如作繭萬緒只一端
自君之出矣機上縑堆雪思君如錦梭往還中不絕

白紵四時歌

江南草長海燕歸美人起舞林花飛白紵如雲裁素衣
我今不樂遲何期春風來時卽去時

綠陰覆庭白日杲美人起舞揚文葆白紵如波裁袖標
我今不樂徒草草樹木無情暗已老

梧桐滴雨莎蛩吟美人起舞北里音白紵如月裁雙衿
我今不樂空傷心哀蟬落葉催寒砧

漱芳閣集

卷九

六

射角河隱犂星沒美人起舞蹴羅襪白紵如雪裁襦襍
我今不樂歲欲易夜長秉燭東方白

吳孝子詩

并序

孝子名元凱錢塘菘圃協揆冢嗣性至孝母沒
以哀毀卒時年十九歲

鷓湖深且廣綽楔聳然立賢名入史歲至行式鄉邑中
秋聯玉樹乘月出城堞祠宇肅以清涼風生習習緬懷

孝子事使我襟袖濕母疾兒心知母身兒心一夜半驚
雷作兒先入母室侍膳恒齒肥那知持戒律

孝子茹素
侍母食則

肉食必
飽啖嘗藥悲懸潸淚枯乃血出母逝兒亦隨相距甫

十日北向辭巖親兒罪追何及詩人多至性片羽留遺
筆穉枿成棟梁卓爾宏繼述請看神駿姿萬里憑騰逸

謂次坪
農部

題藕花書屋遺稿

一編手澤重清門散佚猶看百首存恨我栝棖似風葉
零星空復認殘痕

朱六皆布衣

謙

挂笠圖

夜涼能健人得雨如膏沐幽人青箬笠到此憩雲屋琅
琅發長吟韻激千尋瀑寒濤向風起石罅答鳴玉一鶴
下雲表留聽古琴曲空山寂無聲仰見月漉漉

漱芳閣集

卷九

七

張春江竹孫志喜圖

一竿之竹孫成林一園之竹孫無垠一一欲上青霄去
虛心直幹何森森春江心喜高堂壽已身喜作孫枝茂
不知孫枝復有孫根芟暗孕琅玕秀上有慈蔭春暉長
下有穉枿霏新香芑塗十畝仰且俯中間椿樹盤蒼蒼
鳳遊千仞覽輝下朝陽一鳴萬个亞君之斯喜喜何如
此圖無乃初篁初

沈客子先生四圖各題一首

秋風感秋士仰屋思悄然出門秋水長渺渺含蒼烟蘆
花吹面起晴雪載滿船呼之疑有人葦間小延緣脫帽

凌浩渺空波拍遙天七絃試一弄移情到成連更疑張

志和蓑笠招湖邊

秋雪刺船

東山任負蒼生望絲竹何堪廢賞音名士美人久黃土

一時風韻未銷沈

春山綠竹

朔風捲地塞草白胡馬嘶鳴戀沙磧長楊羽獵賦早傳
書生自具封侯格貂裘攬轡振珊瑚桃花叱撥驅雲烟
陰山萬里瞬息盡胡兒碧眼相後先弦鏞欲罄羽毛族
壯志不許髀生肉耳後生風鼻出火短衣肯比殘年逐
惜公未展風雲才駿骨空厯黃金臺披圖使我胸襟開
雄心俠骨安在哉秋聲颯颯從空來

寒郊調馬

漱芳閣集

卷九

六

傳世古香在尋源從石莊山光秦望遠水脈泖流長花
竹一時勝圖書重閣藏此門是通德喬木重粉鄉

紫茜

村莊

沈香笠先生抱膝長歎圖二首

青山招逸客松竹助清吟獨坐誰可侶一鶴知此心
琴書罷絃誦流覽空虛處欲作梁父吟白雲杳然去

題馮醒石先生遺照其甥家愛廬

登雲

屬也

塵尾清言掃衆才緣溪選石獨徘徊同心只有支離叟
人世冰霜共闕來

昔聞月旦無雙譽今見風標第一流宰木成圍白雲冷

有人揮淚過西州

卜曉巖夫子南窗寄傲圖遺照謹題

寒花吐東籬風雨詣公別神遊南村舍籃輿隔天未亟
賦歸去來半戀程門雪歸來雪滿宇總帷懸像設再拜
呼不膺中心慘如裂公心虛不做淡逸似靖節真淡殊
世情不競乃傲骨少年抱經侍親師氣和悅廿載春風
吹森如電光滅披圖南窗下空記琴書列三徑幸未荒
文梓雙突兀

晚霽

返照落空江隱顯光屢變須臾夕霏收萬珠粼波面

漱芳閣集

卷九

九

家雪廬先生

熊飛

以顧渚茶天目山筍見貽賦此

報謝用漁洋謝洪昉思餽茶筍韻

皚皚齒白展叢芽

坡詩顧渚茶牙白於齒

飲助詩清稱我家壓盡

羅浮清遠譜不須更說嶺南茶

春明蹋徧輭紅塵玉版何緣證夙因

北地少竹苦不得筍

截得雲

腴洞天秘香參芋栗未全貧

以海南香獻雪廬先生

水沈片片采南陬猶帶朱厓五指秋倒挂桐花不兼寄

翠簾輕篆未教收

桐花鳳俗名倒挂鳥能收香亦粵產也

那如陸賈歸裝富卻愧隱之投浦廉欲識平生一瓣祝

春風坐上試微添

題丁春白

蔭生

種菜圖

灌園忘機心噉菜感生意蒼生無此色吾輩識其味公
儀拔園葵雖戒奪民利淡泊耐齷根便可做百事丁密
持清操植蔬寓素志離離一畦間含霜吐黃翠不辭帶
月鋤秋風助詩思朱門莫持贈恐沾酒肉氣

秋雨初霽

濕雲歸不盡烟冷稻花中鷺足村村雨蟬聲樹樹風晴
山收霧碧秋水落霞紅今夜月逾好幽香霏桂叢

秋庭卽景

漱芳閣集

卷九

三

蒹葭白露昨宵滋曉看庭前側綠葵風細無端落晴翠
蟲纖有緒吐秋絲稻花香裏潮流急梧葉聲中晷影移
海上丹霞飛片片客心張觸燕差池

題鍾穆園

步崧

觀山秋集圖

去年發長安正及黃花節海山十載夢歸來阻風雪披
圖緬清景良會聯時哲崇巖俯滄溟奇觀恣詭譎琴心
移水仙詩思通禪悅頗期續勝遊歲月空飄瞥滿城又
風雨奈迫都門轍孤負海天秋坐對白雲咽

題黃柳橋先生秋夜填詞圖

竹翠綠庭蛩語幽梧桐陰帶淡雲流半牀黃葉一燈影

寫出詞人心上秋
雲濤玉局大江句風月屯田秋別辭一種遙情赴毫底
最難傳處碧簫知

漱芳閣集

卷九

三

漱芳閣集卷十

平湖徐士芬惺菴

直廬集

李芝齡師聞妙香室詩集題詞用十一陌全韻

天宇絢星雲人文壽金石鴻詞出經世餘事作詩伯玉

溪杜爲宗供奉仙是謫一編集大成精曜動華貊名賢

毓清淮國士冠儒碩錢黼堂先生視學時以國士無雙命題蓋指公也蟠根發

仙樹觸辰已奕奕研經蛾術精勵志駒陰惜釣臺韓侯

里丹井王喬迹弔古兼擬古史席繼經席方吟手八义

旋拔茅三脊二脊茅賦亦公應科試題是時舉拔萃科驚看隱霧采森振凌

漱芳閣集

卷十

一

虛翮一鞭長安花三少承明籍敷歷至鼎台一官一集

積計公遊草富往往在行役初泛八月槎遠歷三秦驛

箭枯通天門蓮花吐山脊太華何峒堯星斗捫且摘青

厓神鉦響翠巘巨靈擘巖谷幢峽嶠越過幾千百欵唾

在九天仙心塵境隔煙霞身乍歸登陟心未釋西山峙

畿甸仰挹龍潭白高空與深秀各自愜所適旌節向程

番征途霜葉赤途次有紅葉篇荆襄巖壑赴斑竹正蕭撼揚帆

從五溪漁舸雜商舶辰沅山水藂奇妙八歌拍涉歷萬

千狀紛若解搏擻濃靄寬琴絃空青蘸觴醒岫合始遭

迴路開乍劃割透迤通牂牁出沒困偉輓嶺擁飛雲巖

谿盤濟火宅江河遠似練林菁密如簣
硎蠻馴侏儻屹鳥變格磔詩卷紀去留
山靈勞送逆北歸領成均煙雲猶在鳥

天題第一文漸江專教澤大儒後先莅
淵源溯道脈

文端公

如蘇之於歐六一酌清液西湖清且永
屏風四面

謂注

阮繡水入苕溪川平波不濇民事諮桑
蠶風味列蓴鮓羣流得歸墟衆芳咸采
摭賓從會騷雅權賦緇衣蓆詩謀遞詩
筒每假吳船刺其東之八郡遠近名區
坵乃以昌谷囊徧涉謝公屐苧蘿五泄
連芙蓉四門闢婺州祕三洞古色攬雙
柏梅谿與樟潭衢江景幽蹟桐水袖挹

漱芳閣集

卷十

二

仙嚴陵星動客上灘聯畫舫謁祠拂神
祐天台忽落掌章安徐振策華頂雲氣
寒石梁煙路窄忽憶曹唐詠渾欲課虛
責雁山尤奇詭百二峯明燼神鬼施斧
斤仙佛雜戲劇幡葢列隊仗袍笏會羣
辟雄威簇旗纛野散欷巾幘美意酬揖
讓怒容肆批摑靈洞奏鼓鐘飛瀑曳繪
帛猿吟悲噉噉虎嘯聞愬愬當公放吟時
有叟聽巖隙有峯名聽詩叟括蒼接東甌
一一窮煙磧白龍樹腹穿赭馬岡頭
驀蜃湧照田村鷗眠傍水柵吳越湖山
美靈秀都一冊三年忽瓜代士林思寇
借玉節瞻重來萬人手加額名材採豫
章風教媿洙嶧灌城考興廢滕閣感今昔
匡

廬面對青章
貢流分碧湖
氣吞蛟鼉灘
徑礪矛戟周
程祠宇闕
朱陸遺蹤
索然藜心事
闡種蔗做俗
革駐馬筠
州軒攬轡
柴桑陌所
至賦詠豪
又惜簡書
迫關心
新種竹
風雨塵
狼藉如
護南康
桂築軒
闕洞
春遊非
汗漫
詩境闢
新格
春明三十
載韻事
更絡繹
高才譽
鼇禁名
作壓鸞
掖編摩
芸簡充
齋宿蕙
櫨莫珥
彤侍

廷劫扈

蹕張幄帟

雲章曩賡和恒對

天顏懌六卿
領省垣彌偉
經邦畫銓衡
勵其清敦
槩治漱芳閣集

卷十

三

其噴園府治通幣中樞
最同釋朝儀
辨鴻臚祀典
肅魚骼水衡工
飭雉吏蠹技窮
鼈太學復綜司
釋奠逢訊
誠棘闈掄才地
歲歲持玉尺
師友畫稿商
多士吟卷
巽才珍采藥
籠理準拾芥
珀弧矢求千城
熊羆衛彊場
篤棊隱懷抱矢
詠見襟膈
公退試妙香
斗室瓦仍甌
編枳護竹長
繫鈴解花厄
新魚樂喁喁
好鳥語嘯嘯
陔華潔且馨
淪隨脯腊
怡怡杖進鳩
藹藹屏圍
貌蕭齋圖
四樂幽徑
仨三益耐交
屬周張素心
共晨夕或資
道切磨粹如玉
攻厝或競筆
縱橫轟如軍
辟易或以談
名理黜彼雕龍
夷或以敦古
誼鑒彼羅雀
翟或聯韓孟
句壇坵會

虞虢素筵摺輕筠疏寮胃纖綵

集中有冷布摺疊扇聯句

或消寒暑

序珍錯綺肴核清冰調瓜李細火藝鼎扇或爭拈韻險

或詫分題僻或驚生面開或喜新義獲或用慰怗際或

藉資笑啞其中懷古作袞鉞嚴褒斥秦營與石塲近事

亦深覈尤於名教重隱微胥發適忠義薄雲天苦節茹

冰壁猛氣鼓將軍至行出巾幗長言又詠歎風雨泣幽

魄觸物或興懷亦復動咄喏驄馬死王事奚啻頌無斃

苟異於此道

昌黎句

懲之如虺蜴鈴卒嗟苦寒官牒做毒

螫肫肫在抱春事事附心擘矚野顧田廬障海籌潮汐

勦既卹工賈艱尤軫襁褓離離北里禾啻啻甸師藉漫

漱芳閣集

卷十

四

湯盼飛霏祁祁仁膏霽偶逢田列梯輒復箋揮幘兼及

品物蕃蠓蛎暨雙隻研搜入秋毫體會到芻豢多聞由

好古千載遺蹤覘編纂什一存

公著有金石存若干卷

欸識篆籀

譯劫餘故物在咸投嗜古癖硯詠漢宮殿琴感唐宸掖

小印認煙花銖錢發窰窰暈睇龍鼎隱聲辨鳧鐘咋工

翰珍瓊蠟搜遺迨礎礪各使顯精神詎矜審肥瘠詩心

亦如之菁華集純腋如羹無專味如酎不澀嗔如矢畢

貫正如刃善披卻高如舉豐翰健如制猛觥清如秋蟾

涼爛如朝曦赫端如薶定儀奇如儼毆疫鏘鏘玉佩垂

閃閃寶劍掄亭亭閒鶴步瞥瞥驚魚躑躅真機契天淵至

味體稻麥眾妙蜂釀花博學雞聚蹠正始星源溯餘地
金聲擲脫手萬口傳里耳春驚霹靂成萬本布羣響秋
嗜蠹坐令敝帚金懷愧舌欲辭小子捫籥陋貽笑腐鼠
欣侍春風座摳衣席毋踏公門川赴海容我參苦瀉又
出門生門忘分倍親炙立苗深溉漑鋤禾細芟柞出滯
殷提攜近裏力鞭辟大道久薰育眾藝隨誘亦年年讀
公詩學步蘄秋奔窺測侍管蠡執卷空踟躕圭臬式字
內人人持拱璧等身日以高茲乃嚆矢射珍藏當十重
踴躍過三百

漱芳閣集

卷十

五

惠郡王招遊鳴鶴園賦謝十首

邸第承

恩拓茂園名莊重闢敞亭軒

右偏本某郡王故園與惠邸連今年兼賜之

招尋不遠馬蹏熟萬綠陰中一繚垣

奧曠林皋趣不同山迴路轉一橋通何人邱壑憑胸構

陰闔陽開有化工

方池曲沼鏡齊開峯峙中流細浪迴銀漢本爲天上水

清泉都自

九霄來

玉泉山水由大內東經此園匯爲池沼

亭亭萬木列如城玉葉金柯照眼明洵是瑯環隔凡境

任攀嘉樹不知名

有奇樹多
不識者

天光雲影入清瀾共契飛泉一
凡欄輸我游仙緣早結

鳥歡魚靜似曾看

曩令書楹帖曾用池深魚氣樹密
鳥聲一聯王謂似親見此景者

高閣梯雲入畫圖登臺列坐俯塵區
不知萬卷搜佳士

似此清暉悅目無

同遊諸君作一行坐
笑謂似試院閱卷

西山日夕送青來隱學誰堪仿
此臺省識高秋明月上

只如羣玉擁蓬萊

園後築臺日西山爽氣其下懸聯有
尤於中秋玩月爲宜嘗教屬對余謂

水經注似是棲遊隱
學之所句可以勉支

壁府圖書錦贖羅

璿題鴻寶耀羲娥最難好古河閒
匹兼似東平受貺多

漱芳閣集

卷十

六

天意教人愜幽興炎曦涼雨一
齊收花間徑僻吠鈴犬

柳下風微眠白鷗

曾展新圖識廣寒何如眞景忝
盤桓歸鞍猶帶煙霞色

應趁分牋到筆端

佟就園

鑑聽松圖

憶昔踏省門薄遊萬松嶺驚濤
吼虛空風雨助清冷如

聽成連琴海天萬籟靜如對
廬山瀑披豁萬慮屏別此

二十年神遊戀清景君自幽燕
歸戎馬謝馳騁拓牋掃

石苔撲翠落甌茗高吟俯萬象
奇情托毛穎披圖見龍

鱗舊迹重尋省何當理雅策
長嘯鳳山頂

朱郁甫封公遺照

宛宛陽平路藹藹宜祿堂達人綜今古名山肯獨藏楹
書善詒翼勵學培賢良庭前三珠樹晶朗照八方孫枝
重挺秀綺歲耽縑緗英聲出金石六籍皆笙簧碧篠引
薰風綠楊依畫廊怡情此清聽卉木多含香手書見本
志十言炳琳瑯古稱一經教今欲傾曹倉披圖瞻道貌
如對松栢蒼清芬奕葉繼遙指江流長

題汪快士先生紅朮軒篆冊應孟慈太守

喜孫屬

達人軼塵網獨與煙霞期登臨閱萬變鍊筆存其奇大
篆追古文蒼峻揖籀斯三百八十印壽得奚囊詩公昔

漱芳閣集

卷十

七

懷天遊六鑿安可羈策杖別幽勝臨風飛偉辭歸來理
章紐羅列同尊彝岱華觀曉日瀟湘感秋颺靈運展所
歷少文琴可揮結廬在黃山羣峯攬欽巖假茲數蝌蚪
縮彼萬龍螭繞軒紅朮花芝泥互生輝世俗競姿媚六
書失所歸一卷文字原三倉析毫釐是冊雖寫景蟲鳥
窺軒義片羽傳奕葉深嚴識遺規文孫振儒雅繼世重
表微淵岳貴尋源清芬扇干基

潘紱庭

曾緩

以香光書卷見貽並書醉後放歌一

篇索和次韻答之

龍門昔日登巍响蘭芬玉映怡天倫

余初謁相國師於
吳門里第時紱庭

侍側年纔十二作駒汗血識真驥果然萬里無能馴雲興霖作

有朕兆神蛟潛壑默天矯割然一吐磊塊胸肯使風雲
氣偏少放眼莫論程不識醉觀天地纔瞬息前古後來
不可見茫茫四顧沾襟臆萬卷且復披三餘等身傳寫
疲鈔胥好古恥效博麻縷牙籤玉軸供清娛貧糧餽視
吾家寡鴻堂入豈從門者君詩行將傳萬口我愧薑芽
空斂手

篝燈課讀圖爲費耕亭同年

庚吉作

晝荻從來師道兼毘陵慈範得親瞻青燈一盞書聲徹
白屋三更母教嚴寸草春暉依夜紉半林秋雨冷疏簾
漱芳閣集

卷十

八

畫圖難寫酸辛味祇覺清風生素練

廿年蘭譜石交深述德如陳女史箴此日一麾覘治行
他時八座頌徽音豈憑甘旨能願志要得平反博喜心
珍重銅符宣政教早知經幔有商霖

食筍齋圖爲祁春圃少司馬

雋藻作

一枝借名園俯仰藤花屋南望見勝境明瑟參水木月
色前湖吞雨香後泮蓄紅芙兩面開一橋亘其腹藥坡
綠棠館掩映千竿竹數到春筍長輒欲食無肉如對輞
川圖清景都在目前型溯淵源示我圖一幅山陰存手
栽洛下遂初服此君固無恙歐泉復蘇屬玉版飫清腴

疏別韻事續食筍固餘債一言願有復出土便立節豈
比凡蔬菽但令赦斧斤行見干霄速虛心調律和貞柯
耐霜肅載披吳筠賦謂淪齋銀臺應使森似束明年乞分種
勿祕篔簹谷

題吳荷屋中丞

榮光

遊理安寺宿松顛閣圖中丞

遊蹤圖凡五十此其一也

風捲綠濤秋瑟瑟凌虛傑閣衝濤出江聲泉聲挾雨來
禪味清入詩人筆使節曾指武林山湖山略涉持節還
幽探未竟怒三載乘興襍被尋禪關南山之南十八澗
猛虎到此伏聽梵招提會紀

漱芳閣集

卷十

九

翠華遊

奎章高揭明真幻先生此中契虛元靜觀法雨如穿天
登陟百尺攬萬象一夜悟盡聞根圓勝遊傳出荆關手
空翠一片煙雲走謝公屐齒徧寰宇茲圖百一標浙右
憶昔癸巳遊雲棲途經斯刹扶筇躋率吟短律負清景
今日眼底溪山齊鄉心振觸憐鴻泥

李西良世丈

宗晟

招同賈蘅塘侍讀小有餘芳觀

荷至尺五莊談讌竟日蘅塘言城中觀音院有
荷池僧索游資往往攔客余歸過此排闥直入
竟得周覽惜其景物蕪陋名實不符因并識之

家住水雲鄉，慣聽采蓮曲。輪蹄隔清曠，日與輓紅逐。西南走近郊，明瑟尋水木。詩翁引入勝，洗我塵萬斛。十畝拓橫塘，朱華點池綠。小亭俯芳豔，飛觴泛醪醑。一枝剪翠盤，象鼻吸清馥。步從尺五莊，遠香憩幽築。列坐無世態，真趣及僮僕。歸途有招提，闕景拒遊轂。乘興欲破悭，學努金剛目。俗眼何易蒙，延客驪降伏。明知蕪且陋，炫鬻無真蓄。迴首銜杯區，白雲渺遐矚。

次日邀楊桂山

振麟

夏森圃

修恕

兩廉使淡星亭

春臺

劉默園

肇紳

兩觀察吳修梅刺史

慈

潘紱

庭茂才重遊時尺五莊，已爲人預占。乘其未至

漱芳閣集

卷十

十

暫憩數刻，仍讌小有餘芳壘前韻。

一宵盈缶，雨路斷韋杜。曲曉來檐滴，收勝引重徵。逐尺五忽千里，智鳥先擇木。譬彼筭而字，肯易珠一斛。鞍馬來何遲，乘間窺朱綠。竊嘗建業鬻，敢潑中山醪。出爲門外人，猶自享膏馥。浮生幾兩屐，豈羨樊重築。名園喬木森，閱姓數更僕。今日我輩筵，明朝誰氏轂。不如杯在手，常白宗之目。鵬鷺無升沈，龍蠖何見伏。客有談出處者陶然同一醉，胷有清氣蓄。登車臨廣路，曠蕩萬里矚。

題愛山方伯

托渾布

瑞榴堂詩集六首

春風杏苑憶追攀，年少輪君屢筍班。一朵祥雲出山去。

早看霖雨滿人寰

衡山雲接洞庭波退食公餘足歎歌元柳有靈應悵惘
搜奇未向淡崑過

五馬雙旌謝送迎安輿親御向榕城多君一管生花筆
到處題詩補紀程

乘風破浪展勳名掃蕩鯨鯢碧海清三尺紅旂聽報捷
滿舡鏡鑷襍吟聲

手縛渠魁獻

闕廷七千里遠驛程經對颺博得

天顏喜海外桑麻處處青

激芳閣集

卷十

十一

編成萬丈吐光芒吟罷真令齒頰香更喜清聲雛鳳接
伫看翮羽集梧桐謂令子靜軒亦能詩

癸巳秋杪寓由拳精嚴寺僧寮讀書兩旬將北上

表弟馮馥山來送馥山舊時共學人也話舊惜

別適金秋白清以小檀欒室讀書圖屬題聚散

之感今昔相同覽之倍深振觸率成短古一章

以下補入

精嚴有精廬借爲讀書所送別來密親是昔讀書侶六
年几硯共話舊一樽舉蕉鹿思惘然一幅解麻縷清平
山下庵吟客于時處春秋曾閱三嵇阮恰聯五山光送

煙靄竹韻寫風雨高吟薄清穹淡思契太古鴻雪消欲
盡荆關有筆補我方居招提舊侶別意苦作圖愧未能
借卷攄肺腑寒林振長風飛蓬幾時聚

荅家愛廬秀才

清詩媿羣雅心苦學陰何十載離愁積重論舊事多春

湖虛禊飲

作重裝東湖脩禊卷兩家手
澤存焉會訂續遊因事不果

秋水感文波京

洛期聯袂龍吟有太阿

用君集中
古劍篇語

椰子生廣南含漿如酒前在粵曾見其樹未嘗其
旨也椒堂先生贈余一枚侑以七古一章次韻

報謝

漱芳閣集

卷十

三

稻舍所狀至今有椰如寒瓜圓殼厚中涵芳醴出天成
味醜似酌椰筒酒擘荔空誇茉莉毬三年南食循荒洲
佳釀在眼不解飲閩中都愧明珠投朝來餽問發重裹
狀兼妍曠與美橢深杯昨日醉君家那知有酒復滑我
萬里致此餉鶴觴故人嶺表猶鷹揚謂端州
科協鎮苔岑輾轉
泱芳旨牽我同入華胥鄉欲浮大白怯孱力呼取鄰翁
行得得一勺纔入腸作芒七言欲和手生棘是時堂有
帑韞人冰桃雪藕觴朋親值舍弟懸弧之
辰讌客及之坐客昔曾走

南服卻輸詩伯交如醇

朱小雲侍御

壬林

屬題其先封公梅坡世丈遺像

柘湖城北路杖履卅年親古誼越流俗高懷追古人
詒謀成大業經世布陽春他日椒聊盛蟠根說老椿

晚歲尤耽道頤真意獨閒芝鮮餐角里桃熟獻綏山誰
寫衣冠古猶看髣髴斑世人間述德輸我識真顏

鳩栖草

次韻答陸虹邨丈

文模

半年棲託畫樓前城市山林別有天豈獨素心追栗里
更教清味挹逋仙

嘗屬題種梅圖小影

卽看庭際高梧直勝對池

頭老樹拳況與君家緣重結話山宅似侑歸田

誰言近市厭囂塵回首還憐迹已陳數去光陰三月久

漱芳閣集

卷十

三

投來雅什六篇新縱耽客子園林趣卻戀先生杖履春
叢桂香時宜把盞卻須把袖兩詩人

謂朋園藏庵

徐母吳孺人貞孝詩

亭亭歲寒松正氣根先得雲間孝子女垂髫嫻內則讀
書識大義柏舟有前式吾宗文學子英英實維匹未昏
失所天誓死矢靡忒依兄十五年侍姑全婦職嗣子親
傳經韶齒初桃陟幽泉可見夫含笑冥途卽 朝廷重
貞孝綽楔旌其德彤管揚清風千古綱常植

高藏庵孝廉

三祝

倡鳩棲韻見贈次韻奉答

飛還倦鳥戀清幽借得一枝帶水頭

松風臺水自玉帶河來

石瘦

滿庭蹲怪獸樹深盡日聽鳴鳩園多鶉鳩薇花開對晤言室

荷葉欹圍凝碧樓皆園中榜額肯與病夫閒日涉不辭蹶躄

侍良游時病足不長於行

園丁日課耒鋤攜晚照還來煦濕泥卻憶舊巢聯雁序

此時返轡正雞棲書房直廬在澄懷園下直皆以申刻為度竹深無事栽

當戶北地難得竹嘗購數十竿珍惜之種傍出入之戶觀親見平安也池廣依然步繞

隄夏日晚涼輒出步隄上觀荷此間風氣頗相似此是當湖一邱壑清吟大第

敢攀躋

次韻答贈錢朋園表兄步會

家園君所居名錢園門擁竹林幽勝地咸稱北郭頭高咏羨君

漱芳閣集卷十 古

鳴似鳳尋巢笑我拙如鳩歸來未卜淵明宅依託還同

王粲樓何似素心晨夕地今朝只等故山遊

季眉昔日手同攜謂令弟松蔭陳迹全消鴻瓜泥宿草空悲

孤塚冷牽芹憶共泮宮棲幸看講席歸宗匠獨護文瀾

似大隄君方規畫培植生徒坐對石巖思鹿洞新溪多士樂攀躋

訪俞芷衫上舍銜不值越日晤於小雲廬有詩見

貽次韻答贈

城南詩伯思通幽舊雨相逢半白頭挹袖如招雲外鶴

問年各視杖頭鳩君少余五歲然亦逾艾矣高懷不肯翔鴻路名集

會看造鳳樓況復庭階才萬選好兼小友論交遊謂令子原

水茂

才

新詩投我手親攜驟喜光分錦障泥高格飛鸞丹嶺出
清聲老鳳碧梧棲訪君似入山陰道味句還行柳外隄
倘到松風臺畔路餘芳相伴趁朝躋

姚達泉明經

邦榮

跋石圖

和如春日颺直如琴上絲瞻君清厚貌知是心無私卅
年石交深三益真我師披圖若相對選石心神怡朱顏
賽韶齒他山同不衰祝君再周甲仍此豐腴姿

謁始祖墓

橋轉東湖水南來一里程展交深雪印船激斷冰聲谷
漱芳閣集

卷十

五

鬣排瓊島松楸列玉城秋霜猶惻愴況此暫杯甕

李隱廬松下觀象圖

寒霜染丹林貞松青且瑟飛泉過巖壑清入高人筆高
人玩圖書物理悟伸屈乃於著策外制器寓神術宙合
何茫茫洪纖綜靡失有客問詹尹拈示識逢吉與我別
五年耽道入根窟披圖見東湖何時造蘭室

同人集吳亞卿

壘

宅賞菊得五言一章索芷衫和

訪菊城北隅喜遇吳季子雅素承家風幽逸宜高士入
門訝繁豔淡雅實無比穆然清風生花山相對峙幽姿
彙眾妙殊形殫俶詭層疊雲織錦紛錯霞散綺或纖如

簇針或卷如拳指團如玉盤飽如饜飧簋疎如幽蘭
披密如琴絲理皎如截肪脂滑如潑滄瀧亭亭碩人頤
肅肅修土禮仙仗排薇庭兵衛森蘭綺麻姑爪欲搔姁
娥鏡全啟金鈴圓箇箇文波委瀾瀾悅目忙應接命名
困議擬一色綜萬形隻枝具眾體梅杏梅桃松蒼翠紺
碧紫有似羞雷同萬變出無己主人敬愛客蘭厄侑桑
梓恣意賞秋容素心侔栗里

游陳山謁介節先生祠次顧篆香茂才榮韻四首

雲煙知我欲山行卷入西風放野晴游侶喜能聯雅客
清郊疑可訪仙卿千脰繡壤初芟滌一片丹林遠送迎
漱芳閣集

卷十

十

走向招提倍蕭颯滿庭落葉助寒聲

早年勝地負良游積翠軒中今暫留忠節遺蹤懷兩地

謝忠節祠在京師
憫忠祠余寓祠旁

首陽介操緬千秋潔衷泉寫歸蕭寺

清味風吹入茗甌仰止有心愁濟勝何當一覽最高頭
海氛曾此玷金裝雁戶同歸一炬光自是金湯由作則

旋教蔬筍亦生香使君賢在里人口

謂龍見
田司馬

善政藹如

冬日陽見說稜稜有風骨應看高躅繼柴桑

雅操如蘭羨獨持青衿憶共帶師比快看名翰揮鴻筆
並見吟身到鳳池祇爲修途千里隔竟教良覲卅年遲
佳篇投我百朋錫恍覺芳風滿室吹

館課賦附

梁昭明臥聽官屬誦書賦

以深宵聽讀悉識其訛爲韻

朔維摩之博學冠江左之詞林居青宮而訂古搜綠簡以潛心文選樓高遺編盡萃讀書園古舊蹟堪尋羅三十卷之鴻篇分門漱藝集廿八員之鷺序刻燭聯吟乃值嚮晦之宴息聆誦書之清音蟬編香散鶴禁宵深風雨蕭蕭伊唔聲調玉砌銅擊銀壺漏遙非陳苑之歌瓊樹疑漢宮之誦洞簫然而帝虎魯魚沿訛點畫得登乳穀各異風謠安得顧曲周郎正誤時聞曹部誰似右文唐主觀書不倦中宵太子於時撫象牀辭鶴鏡博望開

漱芳閣集

卷十

七

承華暝前星與壁府齊輝儲幄似石渠連亘福地仙遊筆花夢醒邊孝先五經之笥高臥方恬郝處士七夕之庭攤書添興遊文章之林府幾如宗子臥遊聽雅頌於承平豈是徐門晝聽鈞樂千聲珠船萬斛賓客長吟儲君坦腹辨豕文於史冊典徵渡水之三賡魚藻於詩篇音補和笙之六豈徒效傳經劉向一卷夜窺還思學下士姬公百篇朝讀於是察其僞訛記其闕失義可詳申字當塗乙傾而聽也恐傳聞異辭默而識之豈卮言日出眾職盈於帳外談經宛列生徒羣書豈是借來刊謬不遺纖悉蓋其九品儀明四通心志腕錦工舒胸珠多

智龍樓攷古不同羣吏鈔書鵠網難拘恥效四賢舊事
故當繁音之入耳別偽釐真宛同成誦之在胸博聞強
識彼夫柏梁聯句平樂贈詩瀛洲重望虎觀隆儀未若
茲風流獨擅日夕研思沈休文之華詞祇供采擇江文
通之麗藻僅許追隨聆雅韻於長廊似珠纍若思君子
兮板屋如玉温其

聖朝昌明正學遠紹旁羅宋遊童之嘉頌第從臣之賡
謨莫不抽妍騁祕吐氣含和方且仰

四庫之宏文祕書校理豈徒尙六朝之華藻舊說紛訛
也哉

漱芳閣集

卷十

六

斗牛間有紫氣賦

以題爲韻

寶燄騰霄金精射斗霞散紅飛雲消碧走自他有耀中
宵之五緯添芒望氣而知下界之雙龍欲吼伊久閱之
神靈終莫淪於塵垢精神見自山川知遇別乎牝牡此
豐城劍氣所以有茂先辯之於前而孔章得之於後也
斯劍也純鈎莫匹巨闕難儔風胡之所未遇薛燭之所
未收金火精聚乾坤氣流何年失此靈奇神物深埋於
泉土此際發其爛朗榮光上燭乎斗牛則見耿輝晃耀
異采爍爛乍呈丹碧間雜朱殷詎晴虹之未落何旭景
之忽還恍疑漢祖隱居佳氣時縈于沛野壹似李聃迴

駕濃煙乍滿乎函關異哉此紫氣也何爲乎貫天表而
徹雲間爰乃考分野於東南辨璣衡之左右傍女宿與
虛躔當楚尾而吳首倬漢之明綃斜曳忽來蒼赤相加
天孫之襄錦初成翻似緞纁疊受則非深明緯象者不
能確指輿圖而識其下之所有也卓彼雷生精稽五紀
眠河鼓之所經謂豫章之可指於是授以宰官俾之勘
履春風百里旌旗過花縣紅邊秋水一泓穎鏘出榛叢
翠裏犀表依然魚文宛爾摩抄鐔瓏吐晶采以疑青拂
拭襖衣帶土花而暈紫四筵乍寒萬目生畏什襲藏嚴
裝函文蔚風雨通靈蛟龍斂氣捧來瓊檣閱三尺之霜

漱芳閣集

卷十

九

鋒仰視瑤閭朗九霄之星緯他日飛身入水神功非人
世之珍此時望輝搜奇天寶顯物華之貴嗟乎百鍊鋼
純千年塵汙夜夜有光悠悠誰悟苟鑒識之非眞將抑
塞其如故然而有美必彰無藏不露萬辟千灌龍光不
可久淹四闢六通鴻寶羣知遠慕而況道術淵涵性功
陶鑄仰

軒鑑之高懸幸儒珍之隆遇定許分輝奎壁紀

恩裁張說之詩豈徒願作干將鑄劍效范公之賦

馮蟻切和賦

以馮蟻切和疏瀉平爲韻

稽漢書之儀重奏雅樂而歌升慶安瀾之良運叶德水

之美稱宜配坤而不洩非筮泰而用馮允猶敷翁神職
靈承薪屬煙紅陽俟戢歛芟孽波綠河伯依憑百靈之
秘錄宣時珠宮春暖一片之榮光出處玉鏡秋澄繫彼
馮夷清津舊司答懷柔於雲牖效疏鑿於河湄迺會川
后召靈螭俾稟元冥之令申富媪之規呼庚辰使佐命
驅丁甲以搜奇罔象銜珠而聽法神魚舞水而應期天
吳揮戈而奔役巨靈撫掌而指麾羣眞雲集萬族星馳
玉節高持光映投蛟之壁寶書宣誓文連負馬之辭警
檄飛傳厲聲激切於螭奮揚清商驍傑申切語而霆轟
行切符而電掣防非恃撮壤之填刷不藉寸膠之潔狀

漱芳閣集

卷十

十

如奔馬爭捷足於三門舍爾靈龜詎曳尾於九折試看
駛如箭筈迅下龍門肯同潤約江湖緩加鮒轍旣教切
厲尙待諧和桃花平浪瓜蔓輕波調二渠之湍悍怡五
老而婆娑出天苞而理安沖穆循地道而法不煩苛是
上帝之神泉清醇味永彼四瀆爲侯職輯睦功多導時
而瑤碧盈峯曾說和山作邑浚處而藻兼出水還聞和
律成歌於是飛雲旆騁風車宣壅邊導浚渠分壑而洪
湖白注刷沙而淮水黃梳接宿海而箕星奮搗築磯嘴
而精衛填淤功比移山於王屋事同鞭石於尾閭一炬
燃犀但見甲兵騰躍五祠瞻象儼然旌節森疏塘轉虹

長岸高山赭月皎瓠宮風清棗野海若向而遠輸清口
通而細瀉潤菽地兮陂邊詠葦杭兮隄下路連蔥嶺鷗
鷺晴沙居穩茅檐雞豚春社一函鴻寶刻文宜
丹蹕之遊幾炷龍涎奉使普

彤廷之暇彼夫周穆則祭從河曲漢成則年紀河平滑
地則晉時加築汴梁則元代增城孰若

聖朝仁彌合宙瑞溢寰瀛道統幽明而立極功參灑澹
而逾宏運萬軸之飛芻常昭普利輦億年之維枳永頌
河清也哉

跋

憶戊申四月吾師少司徒遊海昌緒會趨謁修川吾師
談藝終日及生平讀書攻苦之力娓娓不倦旣而歸當
湖不逾月以赴聞越明年緒會移宰嘉興去當湖僅數
十里駕舟半日可達而吾師不可復見矣長君伯蕃刺
史編其遺集得漱芳閣古文古今體詩及館閣應制詩
經義等爲漱芳閣集其古文則朱小雲觀察錢銜石給
諫爲之校定其經義則費耕亭沈蓮溪兩觀察爲之評
語伯蕃復廣爲蒐輯將付諸梓是可以傳吾師矣緒會
受而讀之知吾師非摘華採藻之文蓋有得於真性情

漱芳閣集

跋

一

也吾師十歲而孤刻勵自奮受學於外舅陸古愚先生
古愚故父執也奇其文以擇相攸而教之講一經必曰
爾父蘭岳公之言何如也勵一行必曰爾父蘭岳公之
行何如也以是學於古愚卽如承庭訓迨入翰苑典文
衡一以古愚之教爲準蘭岳公著作雖斷縑殘楮弗忍
棄爲刊遺文一卷復刊古愚彝訓堂遺稿晚年予告歸
里力行善事如修節孝祠重建萬程橋之類曩日修川
之所聞如此非所謂終身慕者耶今伯蕃編輯吾師之
文非猶是志耶春秋試皆出高郵王文簡公門經義述
聞經傳釋詞諸書皆佐讐校考訂精訓詁名理然未有

專著歿後浙大吏題請入祀鄉賢

聖天子俞其請並有學問優長品行醇正之

褒蓋

今上在書房時知之有素也緒會自壬午鄉試出門下
從遊幾三十年吾師乎吾師乎撫斯編不禁嚮往靡已
矣

咸豐元年五月受業門人朱緒曾謹跋

漱芳閣集

跋

二

